


人
青

青





原件短缺

P1-P2

目前不能馳神徃古是窺文豹
而得一斑據大鼎稿寸鬻彘

測之見而非大全觀也今坊

刻尺牘無慮數十種豈不自謂

齋龍虎之文握隋和之珠哉然

收之於此失之於彼

終非鉅觀而欲自號於執材為

全書也難以異矣一編乃荆石

王先所纂集遠春秋近輯

昭代上搜縉紳下羅逸雋統之

發於辭而不羨於情非剪綵之

花也沒其瑜而不三瑕非還

珠之積也鏗然成八而不窮於

聲非瓦缶之鳴也爛然生色而

不窮於色非浮沫之器也古今

在肩睫名頌盡昇編摩即
之尺牘大全又奚媿哉編成大
有心至人請授之曰剔而屬叙
於余余遂為之弁首

崑

萬曆辛亥歲孟冬月穀旦

賜進士及第嘉議 大吏部右

侍郎兼翰林院 讀學士候

官青陽翁正春諠

尺牘大全一卷目錄

春秋

告陳桓公

驪姬上晉獻公

公子夷吾與里克

晉卻告趙宣子

齊人告卻獻子

呂相絕秦書

隱公告薛侯

上晉獻公

周天王

鄭子家告趙宣子

季文子告晉侯

上晉侯



滅孫告御者

士文伯與鄭伯

鄭子產與子皮

晉叔向復齊侯

右葛告晉侯

欵與太子申生

晉大夫告秦穆公

范蠡復吳王夫差

鮑叔告魯

齊侯告晉侯

鄭子產告趙文子

齊侯告晉侯

晉叔向與鄭子產

或仲與齊侯乞糴

太子申生遺狐突

大共郎請成于吳

范蠡復諸大夫

范蠡王告唐惠侯

陸賈與陳平

趙涉與亞夫

漢文帝賜嚴助

漢文帝賜燕王

漢成帝報匡衡

柴武與韓王信

東方朔與公孫弘

東方朔與友人

司馬相如報文君

賈誼上漢文帝

漢文帝賜鼂錯

漢文帝賜楊樸

漢宣帝報張安世

漢宣帝報七國

韓信報柴將軍

東方朔勉友人

司馬相如答盛覽

司馬相如報蜀守臣

蘇武報李陵

丘許辭右扶風

丙吉與魏相

韓延壽與孔莊

張敞與嚴延年

嚴延年與張敞

孔臧與弟安國

谷下謝王鳳

心歛與段會宗

蕭之與蓋寬饒

班固與帝玄成

雄答桓譚

班固答桓生

嚴助與卜式

卓文君與相如

卓文君再與相如

王昭君報漢元帝

莊協與郭恂

劉向戒子

賈誼與友人

鼂錯與友人

班固與友人

夏公榜黃霸

董仲舒答友人

與董仲舒

陽獄中上書

李陵答蘇武

東方朔與公孫弘

任上與班仲升

班超復任伯高

孝武帝詔殷仲堪

文成帝與王肅

孝昭帝與崔瞻

司馬遷與贛伯陵

孝武帝與刁雍

孝武帝與王澄

谷永與王音

孝武帝賜王慧龍

孝武帝賜王玄謨

漢武帝報張禹

張敞與友人

雋不疑與暴勝之

漢武帝與大將軍青

沮彊與霍光

王褒與友人

弘與友人

司馬遷報任安

惲報孫會宗

孔光與子琳

魯恭王后與江都王弟女

目錄一卷全

歷朝尺牘大全卷之一

大倉王錫爵選錄

豫章李國憲序次

金陵周近泉督刊

春秋



告陳桓公

石碣

衛國褊小老夫耄矣無能為也此二人者實弑寡君
即圖之

告薛侯

魯隱公

春秋卷一
始與滕君辱在寡人周諺有之曰山有木土則度之
有禮主則擇之周之宗盟異姓為後寡人若朝于
薛不敢與任齒君若辱賜寡人敢以滕君為請

上晉獻公

驪姬

曲沃右之宗也蒲與二屈君之也也不可無主宗邑
無主則民不威疆場無主則心戎心戎之生心民慢
其政國之患也若使太子主曲沃而重耳夷吾主蒲
與二屈則可以威民而惧戎且旌君伐

上晉獻公

里克

夫太子奉宗廟社稷之粢盛以朝夕視君膳者也故
曰冢子君行則守有守則送之曰撫軍守曰監國古
之制也夫帥師專行謀誓軍旅君與國政之所圖非
太子之事也師在制命而已命則不威專命則不
孝故君之適嗣不可以帥師君少其官帥師不威將
安用之

與里克

公子夷吾

不歆非類民不祀非族幣重而言甘誘我也

上周天王

富辰

臣聞報者倦矣施者未厭狄固貪憚王又啟之女德
極婦怨無終狄必為患

告趙宣子

晉 郤

日衛不睦故取其地今已睦矣可以歸之叛而不討
何以示威服而不柔何以示懷非威非懷何以示德
無德何以為盟主子為政以三諸侯而不務德將若
之何夏書曰勸之以九歌若子之德莫可歌也盍使
睦者歌吾子乎

告趙宣子

鄭子家

寡君即位三年召蔡侯而與之事君九月蔡侯入于
敝邑以行敝邑以候宣多之難寡君是以不得與蔡
侯偕十一月克減侯宣多而隨蔡侯以朝于執事十
二年六月歸生佐寡君之適齊以請陳侯于楚而朝
諸君十四年七月寡君又朝以蘆陳事十五年五月
陳侯自敝邑往朝于君往年正月燭之武往朝夷也
八月寡君又往朝以陳蔡之密邇于楚而不敢貳焉
則又邑之故也雖敝邑之事君何以不免在位之中
一朝于襄而再見于君夷與孤之二三臣相及于絳

年我小國則滅以過之矣今大國曰爾未逞吾志敝
呂自亡無以加焉古人有言曰畏首畏尾身其餘幾
又曰鹿死不擇音小國之事大國也德則其入也不
德則其鹿也鋌而走險急何能擇命之罔極亦知亡
矣將悉敝賦以待于儵唯執事命之

告晉卻獻子

齊人

子以君師辱于敝邑不腆敝賦以犒從者畏君之震
師徒饒敗吾子惠徼齊國之福不泯其社稷使繼舊
好惟是先君之敝器土地不敢愛子又不許請收合

餘燼背城借一敝邑之幸亦云從也况其不幸敢不
唯命是聽

告晉侯

季女子

大國制義以為盟主是以諸侯懷德畏討無有貳心
謂汶陽之田敝邑之舊也而用師于齊使歸諸敝邑
今有二命曰歸諸齊信以行義以成命小國所望
而懷也信不可知義無所立四方諸侯其誰不解體
乎曰猶之不遠是用大蘭行父惧晉之不遠猶而大
諸侯也是以敢私布之

晉侯絕秦書

呂相

昔我獻公及穆公相好申之以盟誓重之以婚媾失
禍衛國文公如齊惠公如秦無祿獻公即世穆公不
忘舊德俾我惠公用能奉祀于晉又不能成大勲而
為韓之師亦悔于厥心用集我文公是穆之成也文
公躬擐甲胄跋履山川踰越險阻征東之諸侯虞夏
商周之胤而朝諸秦則亦既報舊德矣鄭人怒君之
疆場我文公帥諸侯及秦圍鄭秦大夫不詢于我寡
君擅及鄭盟諸侯疾之將致命于秦文公恐懼綏靜

諸侯秦師克還無害則是我有大造于西也無祿文
公即世穆為不弔蔑我先君寡我襄公迭我殺地奸
絕我好伐我保城殄滅我費滑離散我兄弟撓亂我
同盟傾覆我國家我襄公未忘君之舊勲而懼社稷
之隕是以有殺之師猶願赦罪于穆公穆公弗聽而
即楚謀我天誘其衷成王隕命穆公是以不克逞志
于我穆襄即世康靈即位康公我之自出又欲闕剪
我公室傾覆我社稷帥我蟲賊以來搖蕩我邊疆我
是以有令狐之役康猶不悛入我河曲伐我涑川俘

我王官剪我羈馬我是以有河曲之戰東道之不通則走康公之絕我好也及君之嗣也我景西望曰庶撫我乎君亦不惠稱盟利吾有狄難入我河縣焚我箕郤芟夷我農功虔劉我邊陲我是以有輔氏之聚君亦悔禍之迄而願徼福于先君穆獻使伯車來命我景公曰我與女同好棄惡後脩舊德以追念前勛言誓未就景公即世我寡君是以有令狐之會君又不祥背棄盟誓白狄及君同州君之仇讐而我之婚媾也君來賜命曰吾與女伐狄寡君不敢顧昏媾畏

君之威而受命于使君有二心于狄曰晉將伐女狄應且憎是用告我楚人惡君之二三其德也亦來告我曰秦背令狐之盟而求盟于我昭告昊天上帝秦三公楚三王余雖與晉出入餘惟利是視不穀惡其無成德是用宣之以懲不一諸侯備聞此言斯是用痛心疾首睽就寡人寡人帥以聽命唯好是求君若惠顧諸侯哀矜寡人而賜之盟則寡君之願也其承寧諸侯以退豈敢徼亂君若不施大惠寡人不佞其不能以諸侯退矣敢盡布之執事俾執事實圖利之

上晉侯

魏絳

日君之使使臣司馬臣聞師衆以順為武軍事有死無犯為敬君合諸侯誰敢不敬君師不武執事不敬罪莫大焉臣惧其死以及楊干無所逃罪不能致訓至于用鉞臣之罪重敢有不從以怒君心請歸死于司寇

告御者

臧孫

季孫之愛我疾疫也孟孫之惡我藥石也美疾不如藥石夫藥石生我疾之美者疇滋多孟孫死吾亡無

日矣

與范宣子

鄭子產

子為晉國四隣諸侯不聞令德而聞重幣僑也惑之僑聞長國家者非無賄之患而無令德之難夫諸侯之賄聚于公室則諸侯貳若吾子賴之則晉國貳諸侯貳則晉國壞晉國貳則吾子之家壞何沒也將焉用賄夫令名德之與也德國家之基也有基無壞無亦是乎乎象有齒以焚其身賄也

讓鄭伯

士文伯

敝邑以政刑之不脩盜賊充斥無若諸侯之屬辱在寡君者何是以令吏人完客所館高其閭闔厚其墻垣以無憂客使今吾子壞之雖從者之能戒其若異客何以敝邑之為盟主繕完葺墻以待賓客若皆毀之其何共命寡君使句請命

善晉趙文子

鄭子產

敝邑福小介于太國誅求無時是以不敢寧居悉索敝賊來會時事逢執事之不問而未得見又不獲聞命未知見時不敢輸幣亦不敢暴露其輸之則君之

府庫也非荐陳之不敢輸也其暴露之則恐燥濕之不時而朽蠹以重敝邑之罪僑聞文公之為盟主也車馬有所賓送有代不畏寇盜而亦不患燥濕今盜賊公行而天厲不戒賓見無時命不可知若又弗壞是無所藏幣以重罪也敢請執事將何所命之若獲荐幣脩垣而行君之惠也

與子皮

鄭子產

人心之不同如其面焉吾敢謂子面如吾面乎抑心所謂危亦以告也

告晉侯

齊侯

寡人願事君朝夕不倦將奉贄幣以無失時則國家多難是以不獲不腆先君之遺以備內宮焜燿寡人之望則又無祿早世隕命寡人失望君若惠顧齊國不忘先君之好辱收寡人微福于丁公太公照臨敝邑鎮撫其社稷則猶有先君之遠及遺姑姊妹若而人君若不棄敝邑而辱使董振擇之以備嬪嬙寡人之望也

復齊侯

晉叔向

君不能獨任其社稷之事未有伉儷在縗絰之中是以未敢請君有屬命惠莫大焉若惠顧敝邑撫有晉國賜之內主豈唯寡君舉群臣實受其賜自唐叔以下實寵嘉之

與鄭子產

晉叔向

夏有亂政而作禹刑商有亂政而作湯刑周有亂政而作九刑三辟之典皆叔世也今吾子相鄭國作封洹立謗故制參辟鑄刑書將以靖民不亦難乎詩曰儀刑文王日靖四方如是何辟之有民知爭端矣將

棄禮而徵于書，錐刀之末，將盡爭之，亂獄滋豐，賄賂並行，終子之世，鄭其敗乎！盍聞之，國將亡，必多制，其此之謂乎。

告晉侯

倉葛

王以晉君為德，故勞之以陽樊，陽樊懷我王德，是以未送于晉，謂君其何德之布以懷柔之，使無有遠志。今將大泯其宗祊而蔑殺其民人，宜固不敢服也。夫三軍之所尋，將蠻夷戎狄之驕逸，不度于是乎。致武此羸者，陽也未狎君政，故臣承命君若惠及之，唯官

是徵其敢，逆命何足以辱師。君之武震無乃玩而頓乎。臣聞之曰：武不可覲，文不可匿。覲武無烈，匿文不昭。陽不承獲，旬而祇以覲武。臣是以惧，不然其敢自愛也。且夫陽豈有裔民，夫亦皆天子之父兄甥舅也。若之何其虐之也。

與齊侯乞糴

臧文仲

天灾流行，戾于敝邑，饒饉荐降，民羸幾卒，大惧殄。周公太公之命，祀職貢業，事之不共，而獲戾不腆。先君之敝器，敢告滯積，以紓執事，以救敝邑，使能共職，豈

尺牘大全 春秋卷之十一
唯寡君與二三臣實受君賜其周公太公及百辟神
祇寔永饗而賴之

與太子申生

杜原款

款也不才寡知不敏不能教導以至于死不能深知
君之心度棄寵廣土而竄伏焉小心猶介不敢行也
是以言至而無所訟之故陷于大難乃逮于謗然款
也不敢愛死惟與終人均是惡也吾聞君子不去情
不反諤之行身死可也猶是令名焉死不遷情疆也
守情說父孝也殺身以成志仁也死不忘君敬也孺

子勉之死必遺愛死民之思不亦可乎

遺孤突

太子申生

申生有罪不聽伯氏以至于死申生不敢愛其死雖
然吾君老矣國家多難伯氏不出柰吾君何伯氏苟
出而圖吾君申生受賜以至于死雖死何悔

告秦穆公

晉諸大夫

天降禍于晉國謗言繁興延及寡君使寡君之紹續
昆裔隱悼播越託在草莽未有所依又重之以寡君
之不祿喪亂並臻以君之靈鬼神降衷罪人克伏其

辜群臣莫敢寧處將待君命君若惠顧社稷不忘先君之好辱收其逋迂裔胄而建立之以主其祭祀且振撫其國家及其民人雖四隣之諸侯聞之也其誰不微惧于君之威而欣喜于君之德終君之重愛受君之重貺而群臣被其大德晉國其誰非君之群隸臣也

請成於吳

大夫郢

昔者越國見禍得罪于天王天王親趨玉趾以心孤句踐而又赦之君王之于越也繫起死人而肉白骨

也孤不敢忘天災其敢忘君王之大賜乎今句踐申禍無良草鄙之人敢忘天王之大德而思邊垂之小怨以重得罪于下執事句踐用帥二三之老親委重罪頓顙于邊今君王不察盛怒厲兵將殘伐越國越國固貢獻之邑也君王不以邊陲使之而辱軍士司寇令焉句踐請盟一介嫡女執箕箒以暎姓于王宮一介嫡男奉槃匱以隨諸御春秋貢獻不解于王府大王豈辱裁之亦征諸侯之禮也夫諺曰狐狸埋之而狐狸之是以無成功今天王既封殖越國以明聞于

天下而又刈亡之是天王之無成勞也雖四方之諸侯則何實以事吳敢使下臣致辭唯天王秉利度義焉

復吳王夫差

范 蠡

昔者上天降禍于越委越於吳而吳不受今將反此義以報此禍吾王敢不聽天之命而聽王之命乎

復吳諸大夫

范 蠡

昔吾先君固周室之不成子也故賓于東海之陂鼉鼉魚鼈之與處而鼉鼉之與同渚余雖覩然而人面

哉吾猶禽獸也又安知是譏者乎

與重耳

舅 犯

夫堅樹在始、不固本終必槁落夫長國者惟知哀樂喜怒之節不哀喪而求國殆以喪得國則必樂喪樂喪必哀生因亂以天則必喜亂喜亂必急惠是哀樂喜怒之節易也偃聞大喪夫亂之刻也不可犯也父母死為大喪諛在兄弟為大亂今適當之是故難

齊告魯

鮑 叔

子糾親也請君討之管召仇也請得而甘心焉

告唐惠侯

楚莊王

不穀不德而貪以遇大敵不穀之罪也然楚不克君之羞也敢藉君靈以濟楚師

復楚子木

晉趙武

晉楚齊秦足也晉之不能於齊猶楚之不能於秦也楚君若使秦君辱敝邑寡君固不敢請於齊

射麋獻晉

楚潘黨

子有軍事獸人無乃不給于鮮敢獻于從者

辭齊卿

陳敬仲

羈旅之臣幸若獲宥及於寬政赦其不閑於教訓而弛於負擔君之惠也所獲多矣敢辱高位以速官謗請以死告

戒子

鄭公孫黑肱

吾聞之生于乱世貴而能貧民無求焉可以後亡敬恭事君與二三子生在敬成不在富也

與齊桓公

楚成王

君處北海寡人處南海唯是風馬牛不相及也不虞君之涉吾地也何故

請秦戰

楚成王

寡人不佞能合其衆而不能離也君若不還無所逃命

辭偃陽

宋向程

君若猶辱撫鎮宋國而以偃陽光啓寡君羣臣安矣其何貺如之若專賜臣是臣與諸侯以自私也其罪何大焉

答魯侯

公子圍

孤實不敬天降之災又以為君憂拜命之辱

辭王行人

晉欒盈

天子陪臣益得罪於王之守臣盈祖將逃罪罪重於郊甸無所伏竄敢布其死昔陪臣書能輸力于王室王施惠焉其子盈之父厲不能保任其父之勞大君若不棄書之力亡臣猶有所逃若棄書之力而思厲之罪臣戮餘也將歸死于尉氏不敢還矣敢布四体惟大君命焉

使冉求弔宋景曹

季康子

敝邑有社稷之事使肥與有職康子名競焉是以不得助執與祭也紼使求從輿人曰以肥之得備彌甥也有不腆先人

之產馬使求薦諸夫人之宰其可以稱旌繁乎

言不可以卒旌繁之用也

辭諸侯

晉侯

大夫之事畢矣而又命孤孤斬馬在衰經之中其以嘉服見則喪禮未畢其以喪服見是重受弔也大夫將若之何

謝季文子

穆姜

大夫勤辱不忘先君以及嗣君施及未亡人先君猶有望也敢拜大夫之重勤

告晉

鄭伯

君命敝邑修而車賦儆而師徒以討亂畧蔡人不從敝邑之人不敢寧處悉索敝賦以討于蔡

逆楚師

鄭伯

孤不天不能事君使君懷怒以及敝邑孤之罪也敢不性命是聽其俘諸江南以實海濱亦性命其剪以賜諸侯使臣妾之亦惟命若惠顧前好徼福于厲宣桓武不泯其社稷使改事君夷于九縣君之惠也孤之願也非所敢望也敢佈腹心

告晉叔向

衛屠伯

諸侯事晉未敢携貳况衛在君之宇下而敢有異志芻蕘者異于他日敢請之

答齊侯

魯隱公

君謂許不共故從君討之許既伏其罪矣雖君有命寡人弗敢與聞

戰國

與友人

蘇秦

大丈夫取功名豈必需人而立鷹隼舉翮風雲自生

何至作鷄鶩掉尾向人憐也竊為足下羞之

與蘇秦張儀

鬼谷子

二足下功名赫赫但春華至秋不得久茂今二子好朝露之榮忽長人之功輕喬松之永延貴一旦之浮薄夫女爰不極席男歡不畢輪痛哉

與越王

夫差

孤臣夫差敢告腹心異日常得罪於會稽夫差不敢逆命得與君王成以歸今君王舉玉趾而誅孤臣惟命是聽意者亦欲如會稽之赦孤臣乎

辭越王

范 蠡

愚聞主憂臣辱主辱臣死昔者君王辱于會稽所以不死為此事也今既雪耻請足會稽之誅

遺楚懷王

秦昭王

始寡人與王約為兄弟盟于黃棘太子入質至驩也太子陵殺寡人之重臣不謝而亡去寡人誠不勝怒使兵侵王之邊今聞君王乃令太子質于齊以求平寡人與楚接境婚姻相親而今秦楚不驩則無以令諸侯寡人願與君王會武關面相約結盟而去寡人

之願也

與平原君

秦昭王

寡人聞君之高義願與為布衣之交君幸過寡人寡人與君為十日之飲

與樂毅

燕惠王

先王舉國而委將軍將軍為燕破齊報先王之讎天下莫不震動寡人豈敢一日而忘將軍哉會先王棄群臣寡人新即位左右誤寡人寡人之使騎劫代為將軍久暴露于外故召將軍且休計事將軍過聽以

尺牘大全 卷一
與寡人有隙遂捐燕而歸趙將軍自為計亦可矣而亦何以報先王之所以遇將軍哉

與信陵君

魏范痤

夫趙魏敵戰之國也趙王以咫尺之書來而魏王輕為之殺無罪之痤痤雖不肖故魏之免相也嘗以魏之故得罪于趙夫國無用臣外雖得地不能守然今能守魏者莫如君矣王聽趙殺痤強秦襲趙之欲倍趙之割君將何以止之

與蘇秦

惠王

寡人聞之毛羽不豐滿者不可以高飛文章不成者不可以誅罰道德不厚者不可以使民政教不順者不可以煩大臣今先生儼然不遠千里而庭教之願以異日

諫伐蜀

司馬錯

臣聞爭名者於朝爭利者於市今三川周室天下之市朝也而王不爭焉領爭于戎狄去王業遠矣

告燕相國

秦穰侯

聖人不能為時，至勿失舜。雖賢不遇堯，不得為帝。湯武雖賢，不當桀紂。不土故以舜。湯武之賢，不遇時，不得帝。五今攻齊，此君之大時也。因天下之力，伐仇國之齊，報惠王之恥，成昭王之功，除萬世之害，此燕之長利而君之大名也。詩云：樹德莫如滋，除害莫如盡。吳不亡越，故亡吳；齊不亡燕，故亡齊；燕不亡于越，此除疾不盡也。以非其時也。

上楚威王

莫敖子華

昔者先君靈王好小腰，楚士約食馮而能立，式而能

起食之可欲，恐而不入，死之可惡，然而不避。其君好發者，其臣決拾。君王直不好耳，若誠好賢，則天下之賢皆將至焉。

上齊宣王

顏 觸

夫玉生于山，制則破焉；非弗寶貴矣，然而太璞不完。士生鄙野，推選則祿焉；非不尊遂也，然而形神不全。觸願得歸晚食，以當祿安步，以當車無罪，以當貴清。淨正直，以自虞；制言者，王也；盡忠直言者，觸也。言要道已備矣，願得賜歸安行。反臣之邑，屋敢再拜而辭。

去

與公子羊

應侯

夫貴不與富期而富至富不與梁肉期而梁肉至梁肉不與驕奢期而驕奢至驕奢不與死亡期而死亡至累世以前坐此失者多矣

報燕王

樂毅

臣不佞不能奉順王命以順左右之心恐傷先王之明有害足下之義乃逃遁走趙今足下使人數之以罪臣恐侍御者不察先王所以畜幸臣之理又不白

臣之所以事先王之心故敢以書對臣聞聖賢之君不以祿私親其功名者賞之其能當者處之故察能而授官者成功之君也論行而結交者立名之士也臣竊觀先王之舉也見有高世主之心故假節于魏以身得察于燕先王過舉側之賓客之中立之群臣之上不謀父兄以為亞卿臣竊不自知自以為奉令承教可幸無罪故受命而不辭先王命之曰我有積怒深怨于齊不諒輕弱而欲以齊為事臣曰夫齊伯國之餘業而最勝之遺事也練于甲兵習于戰攻王

欲伐之必與天下圖之與天下圖之莫若結于趙且
又淮北宋地楚魏之所欲也趙若許而約四國攻之
齊可大破也先王以為然具符節使臣于趙願反命
發兵擊齊以天之道先王之靈何北之地隨先王而
舉之濟上濟上之軍受命擊齊大敗齊人率輕銳兵
長驅至國齊王遁而走莒僅以身免珠玉財寶車甲
珍器盡收入于燕齊器設于寧臺太后列于元英故
鼎反于磨室薊丘之植以于汶篁自五伯以來功未
有以及先王者也先王以為憚于志故裂地而封之

使得此小國諸侯臣竊不知自以為奉令承教可幸
無罪是以受命不辭臣聞聖賢之君功立而不廢故
著于春秋蚤知之士名成而不毀故稱於後世若先
王之報仇雪恥夷萬乘之強國收八百年之蓄積及
至棄群臣之日餘教未衰執故任事之臣脩法令謹
庶蘖施及乎氓隸皆可教后世臣聞之善作者不必
善成善始者不必善終昔伍子胥說聽于闔閭吳王
不悟先論之可以立功故沉子胥而不悔子胥不早
見主之不同量是以至于入江而不化夫免身立功

尺牘大全 卷一
以明先王之迹臣之上計也雖毀辱之誹謗墮先王之名臣之所大恐也臨不測之罪以幸為利義之所不敢出也臣聞古之君子交絕不出惡聲忠臣去國不潔其名臣雖不佞數奉教于君子矣恐侍御者之親左右之說不察疏遠之行故敢獻書以聞惟君之留意焉

謝樂間

燕王

寡人不佞不能奉順君意故君捐國而去則寡人之不肖明矣敢端其頤而君不肯聽故敢以書陳愚意

君試論之語曰仁不輕絕知不輕怨君之于先王也世之所明知也寡人望有非則君掩蓋之不虞君之明罪之也望有過則君教誨之不虞君之且寡人之罪國人莫不知天下莫不聞君微出明怨于寡人寡人必有罪矣雖然恐君之未盡厚也諺曰厚者不毀人以自益仁者不危人以要名故掩人之邪者厚人之行也救人之過者仁者之道也世有掩寡人之邪救寡人之過者非君孰望之今君受厚任于先王以成尊輕棄寡人以快心則掩邪救過難得

于君矣且世有薄而故厚施行有失而故惠用今使寡人任不肖之罪而君有失厚之累請為君擇之也無所取之國之有封疆家之有墻垣所以合好掩惡也室不能相和出語隣家未為通計也怨惡未見而明棄之未為盡厚也寡人雖不肖乎未如殷紂之亂也君雖不得意乎未如商容箕子之累也然則不內蓋寡人而明怨于外恐其適足以傷于高而薄于行也非然也苟可以明君之義成君之高雖任惡名不難受也本足以為明寡人之薄而君不得厚揚寡人

之辱而君不得榮此一舉而兩失也義者不虧人以自益况傷人以自損乎君無以寡人不肖累往事之美昔柳下惠不以三黜自累故前業不忘不以去為心故遠近無議今寡人之罪國人未知而議寡人者遍天下語曰論不脩心議不累物仁不輕絕智不簡功簡棄大功者輟也輕絕厚利者怨也輟而棄之怨而累之且在遠者不望之于君也今以寡人無罪君豈怨之乎願君捐怨追惟先王復以教寡人意君曰余且慝心以成而適不顧先王以成而慝使寡人進

不得脩功退不得補過君之所揣也唯君圖之

上魏文侯

田子方

臣聞君明則樂官不明則樂音今君審于音臣恐其
聾于官也

上齊宣王

顏 觸

無其實而喜其名者削無德而望其福者約無功而
愛其福者褻辱必握故曰矜功不立虛願不至此皆
幸其名而無實德者也是以堯有九佐舜有七友禹
有五丞湯有三輔自古未有虛成名于天下者也

典一秦王

范 睢

嘗聞明主蒞政有功者不得不賞有能者不得不官
勞大者其祿厚功多者其爵尊能治衆者其官大故
不能者不敢當其職焉能者亦不得不蔽使以臣之
言為可則行而益利其道若將弗行久留臣無謂也

與秦王

范 睢

嘗聞有攻人者有攻地者穰侯十攻魏而不得傷者
非秦弱而魏強也其所攻者地也地者人主所甚愛
也人主者人臣之所樂為死也故人主之所愛與樂
死者鬪故十攻而弗勝也今王將攻韓臣願王之毋

獨攻其地而攻其人也

與魏王

淳于髡

韓子盧者天下之疾犬也東郭逡者海內之狡兔也韓子盧逐東郭逡環山者三騰山者五兔極于前犬廢于後犬兔俱罷各死其處田父見之無勞勸之苦而擅其功今齊魏久相持以頓其兵敝其衆臣恐強秦大楚承其後有田父之功

與燕將書

魯仲連

吾聞之智者不倍時而棄利勇士不怯死而滅名忠

臣不先身而後君令公行一朝之忿不顧燕王之無臣非忠也殺身亡聊城而威不信于齊非勇也功廢名滅後世無稱非智也故智者不再計勇士不怯死今死生榮辱尊卑貴賤此其一時也願公之詳計而無與俗同也

秦

與蔡澤

唐舉

四時之序成功者退君幸以秦國之重建高世之烈

游客布衣莫不聞焉有如擔簦而至秦王一旦而易慮改聽焉足下之事去矣天道惡盈而益謙可不信然

遺張邨

陳餘

白起為秦將南并鄢郢北摧馬服攻城畧地不可勝計而卒賜死蒙恬為秦將北逐戎人開榆中地數千里竟斬陽周何者功多秦不能封也今將軍為秦將三歲矣所亡失已十數萬而諸侯之故欲以法誅將軍以塞責將軍居外久多內隙有功亦誅亡功亦誅

將軍何不還兵與諸侯為縱南面稱孤孰與身伏斧鑕妻子答戮乎

上秦王

范雎

臣居山東聞齊之內有田單不聞有王聞秦之有太后穰侯涇陽華陽不聞有王夫擅國之謂王能專利害之謂王制生殺之威之謂王今太后擅行不顧穰侯出使不報涇陽華陽擊斷無諱四貴備而國不危者未之有也為此四者正乃所謂無王已然則權焉將不傾而令焉得從王出乎

上秦王

李斯

臣聞地廣者粟多國大者人衆兵強者士勇是以太
山不讓土壤故能成其大河海不擇細流故能就其
深王者不却衆庶故能明其德是以地無四方民無
異國四時充美鬼神降福此五帝三王之所以無敵
也今乃棄黔首以資敵國却賓客以業諸侯使天下
之士退而不敢西向裹足不入秦所謂藉寇兵而齎
盜糧者也夫物不產於秦可寶者多士不產於秦願
忠者衆今逐客以資敵國損民以益仇內自虛而外

樹怨于諸侯求國無危不可得也

上二世

趙高

天子所以尊者但以聞聲群臣莫得見其面陛下不
如深禁中與臣及侍中習法者待事之來有以揆
之如此則大臣不敢奏疑事天下稱聖主矣

上宋義

項羽

國兵新破王坐不安席掃境以屬將軍國家安危在
此一舉今不恤士卒而徇其私非社稷之臣也

上沛公

酈食其

足下起糾合之衆收散亂之兵不滿萬人欲以徑入強秦此所謂探虎口者也夫陳留天下之衝四通五達之郊也今其城中又多積粟臣請得使而下之

上漢王

蕭何

雖漢中之惡不猶愈于死乎能屈于一人之下而伸于萬乘之上者湯武是也臣願大王王漢中養其民以致賢人收用巴蜀還定三原三秦天下可圖也

報諸侯王

漢王

天下共立義帝今項羽放殺之寡人親為發喪兵皆

編素悉起關中兵收三河士南浮江漢以下願從諸侯王擊楚之執義帝者

報齊王廣

酈食其

漢王與項王戮力西向擊秦約先入咸陽者王之項王背約不與而王之漢中項王遷殺義帝漢王起蜀漢之兵擊三秦出關而責義帝之負處收天下之兵立諸侯之後降城即以侯其將得賂即以分其士與天下同其利豪英材賢皆樂為之用諸侯之兵四面而至蜀漢之粟方船而下項王有背約之名殺義帝

之負于人之功無所記于人之罪無所忘戰勝而不
得其賞拔城而不得其封非項民莫得用事為人刻
印頑而不能授攻城得賂積財而不能賞天下畔之
賢材怨之而莫為之用故天下之士歸于漢王可坐
而策也夫漢王發蜀漢定三秦涉西河之外援上賞
之兵下井陘誅成安君破北魏舉三十二城此黃帝
之兵非人之兵天之福也今已據敖倉之粟塞成皋
之險守白馬之津杜太行之阨距飛狐之口天下後
服者先亡矣王疾下漢王齊國社稷可得而保也不

下漢王危亡可立而待也

治驪山陵上書

李斯

臣所將隸徒七十二萬人治驪山者已深已極鑿之
不入燒之不難叩之空々如下天狀

復韓信

李左車

雖亡國之大夫不可以圖存敗軍之將不可以語勇
然狂夫之言聖人擇焉今為將軍計莫若按甲休兵
鎮撫趙民遣辨士奉咫尺之書燕必聽從燕從而東
臨齊雖有智者不能為齊計矣

上漢王

鄴食其

知天之天者王事可成王者以民為天民以食為天
楚拔滎陽不守敖倉乃引而東者天所以資漢也願
急取滎陽據敖倉之粟塞成臯之險則天下知所歸
矣

說韓信

蒯徹

將軍受詔擊齊而漢獨發間使下齊寧有詔止將軍
乎且鄴生一士伏軾掉三寸舌下齊七十餘城將軍
以數萬眾歲餘下趙五十餘城為將數歲反不如一

豎儒之功乎

報項羽

龍且

韓信為人易與耳寄食于漂母無資身之策受辱于
滕下無兼人之勇不足畏也

說韓信

蒯徹

當今兩主之命懸于足下誠聽臣計兩利俱存三分
天下鼎足而居勢莫敢對按齊之地深拱揖讓則天
下相率而朝齊矣天與不取反受其咎時至不行反
受其殃願熟慮之

前漢

上高祖

婁敬

陛下都洛陽豈欲與商周比隆哉洛陽天下之中有德易以興無德易以亡秦地披山帶河四塞為固卒然有急百萬之衆可具此謂扼天下之吭而拊其背也

上高帝

張良

洛陽雖固四面受敵非用武之國關中左殽函右隴

周沃野千里阻三面而固守獨以一面東制諸侯此所謂金城千里天府之國婁敬之說是也

布告天下

漢高帝

蓋聞王者莫高于周文伯者莫高于齊桓皆待賢人而成名今以天之靈諸賢士已與我共平之矣而不與我共安利之可乎賢士大夫有肯從我遊者我能尊顯之布告天下使明知朕意

上漢高帝

蒯徹

秦失其鹿天下共逐高材疾足者先得跽犬吠堯

非不仁大故吠非其主是時臣惟知有齊王安知有
陛下哉

與陳平

陸賈

天下安注意相危注意將將相調和則士豫附士豫
附則雖有變權不分君何不交驩太尉以共成其事
乎

上漢文帝

賈誼

臣聞履雖鮮不加于枕冠雖敝不以苴履夫公卿在
貴寵之位天子改容而禮貌之矣吏民嘗俯伏以敬

畏之矣有過廢之可也退之可也賜之死可也滅之
可也若夫束縛之繫縶之輸之司寇編之徒官小吏
詈罵而榜笞之殆非所以令衆庶見也

與亞夫

趙涉

兵事尚神密將軍何不右去走藍田出武關抵洛陽
直入武庫諸侯聞之以為將軍逆天而下也

賜鼂錯

漢文帝

問太子家令上書言兵體三章聞之書言狂夫之言
明主擇焉今則不然言者不狂而擇者不明國之大

患故在于此使夫不明擇于不狂是以萬聽而萬不

賜嚴助

漢文帝

君厭承明之廬勞侍從之事懷故土在為郡吏會稽東接于海南近諸越北枕大江間者濶焉久不聞閭具以春秋對毋以蘇秦縱橫

賜楊樸

漢武帝

將軍之功獨有破石門尋陞非有斬將搴旗之實也受言... 廟池宮明日又不對假令將軍之吏問之不若令之... 可知將軍能率眾以掩過不

賜燕王

漢昭帝

王骨肉至親敵吾一體迺與他姓異族謀害社稷親其所踈踈其所親如使古人有知當何面目復奉齋耐見高祖之廟乎

報張安世

漢宣帝

將軍年老被病朕甚憫之雖不能視事折衝萬里君先帝大臣明於治亂朕所不及得數問焉何敢而上書歸衛將軍富平侯印薄朕忘故非所望也願將軍彊餐食近醫藥專精神以輔天年

報匡衡

漢成帝

君以道德修明位在三公先帝委政遂及朕躬君遵
修法度勤勞王室今司隸校尉顧欺妄詆加非於君
朕甚憫焉方下有司問狀君何疑而上書歸侯乞骸
骨是彰朕之不燭也傳不云乎禮義不愆何恤人之
言君其察焉

報七國

淮南王

我高祖定天下裂土而封宗國彊榦弱枝蓋愆秦弊
非有私也賊臣者鼎錯廼欲起而更之間我宗親將
不利於社稷願從諸侯王伐漢之亂舊章者

與韓王信

柴武

陛下寬仁諸侯雖有叛亡而復歸輒復故位號不誅
大王所知也今王以敗亡走胡非有大罪急自歸

報柴將軍

韓信

陛下擢僕閭巷南面稱孤此僕之幸也滎陽之事僕
不能死囚於項籍此一罪也寇攻馬邑僕不能堅守
以城降之此二罪也今為反寇將兵與將軍爭一旦
之命此三罪也夫種蠡無一罪身死亡僕有三罪而
欲求活此伍子胥所以憤於吳世也今僕亡匿山谷

間旦暮乞食蠻夷僕之思歸如痿人

不忘起育者不忘視勢不可耳

與公孫弘

東方朔

爵祿不相責以禮同類之游不以遠近為故東門先生居蓬戶空穴之中魏公子一朝以百騎造之呂望未嘗與文王同席而坐一朝讓以天下半大丈夫相知何必接塵而游

勉友人逃儒

東方朔

師逃儒入釋意謂已得箇中滋味今廼溺于教乘何邪是拋却五車書又入幾擔經抄裡坐也苦海無邊

頭是岸便請參取祖師來意

與友人

東方朔

不可使塵網名韉拘鎖怡然長跡脫去十洲三島相期拾瑗草吞日月之光華共輕舉耳

答牂牁盛覽

司馬相如

詞賦者合綦組以成文列錦繡而為質一經一緯一宮一商此賦之迹也賦家之心包括宇宙總覽人物斯廼得之於內不可得而傳

報文君

司馬相如

五味雖甘寧先稻黍五色有粢而不掩韋布惟此綠
衣將執子之釜錦水有紀漢宮有木誦子嘉陰而回
予故步當不令負丹青感白頭也

報蜀守臣

司馬相如

皇帝方嚮外治而某以儒術建節西遊故鄉遠近之
士將無求多焉其令守吏以下負弩前導旌旗所指
俾山靈增色毋為題橋生索笑於關吏也

報李陵

蘇武

足下才為世英器為時出語曰夜行被繡不足為榮

於室家孤城棄在絕域衣則異制食味不拘棄指
功名雖尚視息與亡無異向使君服節死難書功竹
帛傳名千代茅土之封永在不朽不亦休哉嗟乎李
卿事已去矣失之毫釐差之千里將復何言

辭右扶風

丘訢

明府欲臣訢耶師訢耶明府所以尊寵人者極於功
曹所以榮祿人者已於孝廉一極一已皆訢所不願
也

與魏相

丙吉

朝廷深知弱翁行直方且大用顧少慎事自重藏器
于身不顯其能

與孔臧

韓延壽

蒼蠅之飛不過十步自託騏驥之尾迺騰千里路然
無損于騏驥使蒼蠅絕羣也

與嚴延年

張敞

昔韓盧之取狡兔也上觀下獲不甚多殺頭少卿少
緩誅罰思行此術

答張敞

嚴延年

河南天下喉咽二用餘斃莠盛苗穢何可不鉏也

與族弟安國

孔臧

相如常忿俗儒淫詞冒義欲撥亂反正而未能果然
雅達通博不代而生浮學守株比有皆是衆非難正
自古而然誠此道未申而以獨智為議也

謝王鳳

谷永

求斗筭之材質薄學朽將軍悅其狂言擢之皂衣之
吏廁之賓明之末不聽浸潤之譖不食膚受之愬雖
齊桓晉文用士篤密察父哲兄要復育子弟誠無以加

昔豫子吞炭壞形以刺趙齊客墮首公門以報恩智
氏孟嘗猶有死士何況將軍之門

與段會宗

杜欽

足下以柔遠之令德復典都護之重職甚休甚休若
吾子之材可優游都城而取卿相何必勒攻燕山之
側顛吾子因循舊貫勿求奇功終更亟還亦足以復
贖門之跼萬里之外以身為本顛詳思愚言

與蓋寬饒

蕭望之

明主知君潔白公正不畏彊禦故君命以司察之位

擅君以奉使之權今君不務循職廼欲以太古久遠
之事匡拂天子數進不用難聽之語以摩切左右非
所以揚令名全壽命也方今用事之人皆明習法令
言足以飾君之辭文足以成君之過君不過推遽氏
之高蹤而慕子胥之末行用不訾之軀臨不測之險
竊為君痛之

與韋玄成

按事丞相吏

古之辭讓必有文義可觀故能垂榮于後今子獨壞
容貌蒙恥辱光曜掩而不宣微哉子之所托名也僕

素愚陋過為宰相執事顧少聞風聲不然恐子傷高而僕為小人也

答桓譚

楊雄

長卿賦不似從人間來其神化所至耶大諦能讀千賦則能為之諺云伏習衆神巧者不過習者之門

答桓生借老莊

班嗣

若夫莊子者絕聖棄智修生保真清虛澹泊歸之自然獨師友造化而不為世俗所役者也不結聖人之網不襲驕君之餌蕩然肆志談者不得而名焉故可

貴也今吾子已貫仁義之羈絆繫名聲之韁鎖伏周孔之軌躅馳顏閔之極摯既擊擥於世教矣何用大道為自眩曜昔有學步於邯鄲者曾未得其彷彿又復失其故道遂匍匐而歸耳恐似此類故不進

與卜式

嚴助

東方生言雖駭俗顧翩翩朗爽令人欲仙九垓八埏之外疑真有羽人也

與相如

卓文君

春華競芳五色凌素琴尚在御而新聲代故錦水有

外漢宮有木彼物而親嗟世之人今瞽于淫而不悟

與相如

卓文君

朱弦鬻明鏡缺朝露晞芳顏歎白頭吟傷離別穷力
加餐毋念妾錦水湯湯與君長訣

報漢元帝

王昭君

臣妾幸得備負禁衛謂身依日月死有餘芳而失意
丹青遠竄異域何得捐軀報主何敢自怜獨惜國家
黜陟移于賤工南望漢關徒增愴結耳有父有弟惟
陛下幸少憐之

與郭恂

莊協

高皇帝刑白馬而盟非軍功者不侯公孫弘卒以儒
術致位平津身都將相大丈夫取功名寧有種乎子
何踟促作轅下駒也

誠子

劉向

汝非有厚德蒙恩甚厚將何以報董生有云弔者在
門賀者在閭言有憂則恐懼敬事敬事則必有善功
而福至也又曰賀者在門弔者在閭言受福則驕奢
驕奢則禍至故弔隨而來齊景公藉霸者之餘威輕

侮諸侯虧跋蹇貌懼之容故被鞶之禍遁服而亡所謂賀者在門弔者在閭也兵敗師破人皆弔之恐懼自新百姓愛之諸侯咸歸其奪邑所謂弔者在門賀者在閭也

與友人

賈誼

大丈夫以凌雲之氣而俯首于書案間午夜一燈辰窓萬字蓋將學為有用之文以歌太平頌中興否亦策治安演絲綸耳豈肯為此徒作酸文耶虛辱君命戲筆橫斜

索友人詩編

鼉錯

日外入芳圃迺知騎氣南遊抱恨而還所謂南山千萬峰盡是相思情也吟編久客左右偶欲檢點敢請顧下霜月更白尚容凌寒往見話前人工拙

與友人論取六

班固

國家以明經取士未盡失天下士也然士子半生心力從事詩書而今日得綾紙官誥也明日皆故紙矣是豈有用之孝况後生小子僅能道出天下之事聖人之心便謂能事已畢蓋所恃者以有篋笥之藏也然

則實學竟何如

與黃霸

夏侯勝

嘗恠神龍之神其為靈也或躍于淵或飛于天或見于田苟一其于豢養人得屠而醢之鳳凰翔于千仞之上脩然可仰而不可攀焉上君子出處一道也先生不降其志不辱其身其有擇于斯乎

答友人

董仲舒

辱示新編適有行役舟中啓讀駭嘆不已昔人琢肝腎撚鬚鬣求一字之工不免寒儉有僧慙公詩語

曹融瞻麗皆談笑而成者每與識者味之未嘗獨享也未及和答容之

與董仲舒

王臧

惟泰六符躔次在望日夜引領以為元老盍歸亟正鈞軸庶幾傳說之輔台山甫之補袞而迺浩然卷懷不可回奪翹月峽而上山高水長傲睨風煙問訊白鶴則先生之道信勇矣抑周公明農在鳧鷖既醉時然猶終不得其志今何時也公獨拂衣高蹈乎如使一念及人下蒼生殆將戚然以悲幡然以起不得為

泉石計也。朔風歸艗，此意悽斷。

獄中上書

鄒陽

臣聞忠無不報，信不見疑。臣嘗以為然，徒虛語耳。昔者荆軻慕燕丹之義，白虹貫日；夫子畏之，衛先生為秦畫長平之策，太白蝕昴，昭王疑之。夫精誠變天地，而信不諭，兩主豈不哀哉！今臣盡忠竭誠，左右不明，而卒從吏訊，為世所疑。是使荆軻、衛先生復起而燕秦不悟也。

答蘇式

李陵

子御足下，勤宣令德，策名清時，榮問休暢，幸甚幸甚。遠托異國，昔人所悲，望風懷想，能不依依。昔者不遺遠辱，還答慰誨，慙有踰骨肉。陵雖不敏，能不慨然。自從初降，以至今日，身之窮困，獨至愁苦，終日無覩。但見異類，常講毳帳，以禦風雨；羶肉酪漿，以充饑渴。舉目言笑，誰以為歡。胡地玄冰，邊土慘裂，但聞悲風蕭條之聲，涼秋九月，塞外草衰，夜不能寐，側耳遠聽，胡笳互動，牧馬悲鳴，吟嘯成群，邊聲四起，晨坐聽之，不覺淚下。嗟乎，子卿陵獨何心，能不悲哉！與子別後，

益復無聊上念老母臨年被戮妻子無辜並為鯨鯢
身負國恩為世所悲子歸受榮我留受辱命也何如
身出禮義之鄉而入無知之俗遺棄君親之恩長為
蠻夷之役傷已先君之嗣更成戎狄之族又自悲矣
功大罪小不蒙顯察孤負陵心區區之意每一念至
忽然忘死陵不難刺心以自明刎頸以見志願國家
于我已矣殺身無益適足增羞故每攘臂忍辱輒復
苟活左右之人見陵如此以為不入耳之惟來相勸
勉異方之樂祇令人悲增切怛耳嗟乎子鄉人之相

知貴相知心前書倉卒未盡所懷故復畧而言之昔
先帝授陵步卒五千出征絕域五將失道陵獨遇戰
而累萬里之糧師徒步之師出天漠之外入強胡之
域以五千之衆對十萬之軍策疲乏之兵當新駕之
馬然猶斬將搴旗追奔逐北滅迹掃塵斬其象帥使
三軍之士視死如歸陵也不才希當大任意謂此時
功難堪矣匈奴既敗舉國興師更練精兵強踰十萬
單于臨陣親自合圍客主之形既不相如步馬之勢
又甚懸絕疲兵再戰一以當千然猶扶乘劊痛決命

爭首死傷積野餘不滿百而皆扶病不任干戈然陵
振臂一呼創病皆起舉刃指虜胡馬奔走兵盡矢窮
人無尺鉄猶復徒手奮呼爭為先登當此時也天地
為陵震怒戰士為陵飲血單于謂陵不可復得便欲
引還而賊臣教之遂便復戰故陵不免耳昔高皇帝
以三十萬衆困于平城當此之時猛將如雲謀臣如
雨然猶七日不食僅乃得免當陵者豈易為力哉而
執事者云々苟怨陵以不死然陵不死罪也子卿視
陵豈偷生之士而惜死之人哉寧有悖君親捐妻子

而反為利者乎然陵不死有所為也故欲如前書所
言報息于國主耳誠以虛死不如立節滅名不如報
德也昔范蠡不狗會稽之恥曹沫不狗三敗之辱李
復向踐之仇報魯國之羞區區之心竊慕此耳何圖
志未立而怨已成計未從而骨肉受刑此陵所以仰
天椎心而泣血也足下又云漢與功臣不薄子為漢
臣安得不云爾乎昔蕭樊囚繫韓彭趙藍晁錯受戮
周魏見辜其餘佐命立功之士賈誼亞夫之徒皆信
命世之才抱將相之具而受小人之譖並受禍敗之

辱卒使懷才受謗能不得展彼二子之遐舉能不為
之痛心哉陵先將軍功略蓋天地義勇冠三軍徒失
貴臣之意到身絕域之表此功臣義士所以負戟而
長嘆者也何謂不薄哉足下單于之使造萬乘之虜
遭時不遇至于伏劍不顧流離辛死幾死翔北之野
丁年奉使皓首而歸老母終堂生妻去惟此天下所
希久古之所未有也蠻貊之人尚猶嘉子之節况為
天下之主乎陵謂足下當享茅土之薦受千乘之賞
聞子之歸賜不過二百萬位不過典屬國無尺土之

封嘉子之勳而妨功害能之臣盡為萬戶侯親戚貪
佞之類悉為廊廟宰子尚如此陵復何望哉且漢厚
誅陵以不死而薄賞子以守節欲使遠聽之臣望風
馳命此實難矣所以每頽而不悔者也陵雖孤息漢
亦負德昔人有言雖忠不烈視死如歸陵誠能安而
主豈復能眷乎乎男兒生不成名死則葬蠻夷中誰
復能屈身稽顙還向北闕使刀筆之士弄其文墨耶
願足下勿復望陵嗟乎子卿夫復何言相去萬里人
絕路殊生為別世之人死為異域之鬼長與足下生

死辭矣幸謝故人勉事聖君足下胤子無恙勿以為
念努力自愛時因北風渡惠德音李陵頓首

與公孫弘

東方朔

木槿夕死朝榮士亦不長貧也

與班仲升

任尚

君侯在外國三十餘年而小人猥承君後任重慮淺
宜有以誨之

復任伯高

班超

塞外吏士本非孝子順孫皆以過補屯部蠻夷獸心

難養易動今君性嚴急水太清則無魚將軍宜寬小
過總大綱而已

詔殷仲堪

孝武帝

卿去有日使人酸然常謂永為廊廟之寶而忽為荆
楚之珍良以慨恨

與王肅

文成帝

不見君子中心如醉一日三歲我勞何如飾館華林
拂席相待卿欲何日發汝墳也故復此勅

與崔瞻

孝昭帝

東宮年弱未陶訓義卿儀刑夙望人之師表故勞卿
朝夕游揚開發幼蒙一物三善皆以相寄

與贛伯陵

司馬遷

遷聞君子所貴乎道者三太上立德其次立功其次
立言伏惟伯陵才能絕人高尚其志以善厥身冰清
玉潔不以細行荷累其名固已貴矣然未盡太上之
所由也願先生少致意焉

與刁雍

孝武帝

卿深思遠慮憂勤盡忠知城已周訖邊境無不虞之

憂千載有永安之固朕甚嘉焉即名此城為刁公城
以旌爾功也

與任城王澄

孝武帝

將軍文德內昭武功外暢奮揚大畧將蕩江湖長旌
始舒賊徒恟氣銳旅方馳東關席捲想江湖彌波在
旦夕耳所送首虜並已聞之

與王音

谷永

夫上德厚則下愛深下愛深則其謀忠其言至昔善
將國者不忘危善養生者不諱死以忠臣直友明史

良醫靈著信龜咸得盡忠正言不諱兆占故能迂咎
延譽轉禍為福

賜王慧龍

孝武帝

義隆畏將軍如虎欲相中害朕自知之風塵之言想
不足介意也

賜王玄謨

孝武帝

梁山風塵初不介意君臣之際遇足相保聊復為笑
伸卿眉頭

報張禹

漢成帝

朕以幼年執政萬機惧失其中君以道聽為師故委
國政君何疑而數乞骸骨忽忘雅素欲避流言朕無
聞焉君其同心致思總秉諸事惟以孝、無違朕意
與友人

張敞

蒼蠅之飛不過十步自托騏驥之尾乃騰千里路然
無損于騏驥使蒼蠅絕群也

與暴勝之

雋不疑

允為吏太剛則折太柔則廢威行施之以息然後樹
功揚名永終天祿

與大將軍青

漢武帝

漢家庶事草創四夷侵陵朕不變更制度後世無法不興師征伐天下不安為此者不滄不勞民若後世又如朕所為是襲秦之迹也太子敦厚好靜欲求守文之主安有賢太子者乎可以意曉之

與霍光

溫舒

大將軍受命武帝肱股漢室披肝膽決大計黜亡義立有德輔天而行然後宗廟以安天下咸寧臣聞春秋正即位大一統而慎始也

與友人

王褒

養鷄者不畜貍牧獸者不育豺樹木者憂其蠹保民者除其賊飲之善經也

與友人

公孫弘

僕聞揉曲木者不累日銷金石者不累月夫人之于利害好惡豈比禽獸木石哉基年而化成僕尚竊以為遲也

報任安

司馬遷

僕與李陵俱居門下素非相善也趨舍異路未嘗啣

尺牘大全 前漢卷之五
杯酒接殷勤之餘餘飲飲僕觀其為人自守奇士事親
孝與士信臨財廉取予以義分別有讓恭儉下人常
思奮不顧身以徇國家之急其素所畜積也國以為
有國士風夫人臣出萬死不顧一生之計赴公家之
難斯已奇矣今舉事一不當而全軀保妻子之臣隨
而媒孽之僕誠以心痛之

報孫會宗

楊惲

君子游道樂以忘憂小人全軀說以忘罪竊自思念
過大行虧當為農夫以沒世是故身率妻子戮力耕

廣大全目錄二卷

後漢

光武帝賜馮異

班孟堅與隗囂

光武帝報竇融璽書

光武帝賜耿弇

王元上隗囂

光武帝賜臧宮馬武

朱浮上光武

陳元上光武

馬援誡子

光武帝賜王常

光武帝報隗囂

光武帝賜竇融

上光武帝賜賢後

光武帝與嚴子陵

光武帝與江南守臣

光武帝賜岑彭

光武帝賜侯將軍

明帝與東平王倉

章帝與東平王倉

嚴光上漢武帝

楚太子倬與咎上人

竇憲與戊巳校尉

申屠劉與隗囂

梁冀與楊太僕

高彪與馬融

荀淑與劉佑

秦嘉與妻徐淑

徐淑與夫秦嘉

杜秦姬與子元珪

趙嘉與張紘

趙嘉與兄子

范滂與杜喬

范滂與陳番

郭泰與杜喬

郭泰與黃瓊

徐穉與陳番

李膺與朱穆

李膺與尹上人

賈彪與周仲進

黃憲與楊震

與房植

陳番與劉寵

楊震與黃叔度

張東之與朱邑

桓彥範與平阿侯

馬援誡兄子

朱穆上梁冀

梁冀戒子

尺牘大全 目錄
蔡邕徙朔方上書

蔡邕辭群辟

黃忠與申屠蟠

張茂荅孔融

孔融荅友人

竇憲與竇玄

高文惠妻與夫

三國

漢昭烈荅孫權

昭烈與孔明

后主與孔明

魏武與荀元明

魏武與關雲長

魏武報孫叔

魏武報楊阜

魏武與孫權

魏武與王脩

魏文與王大理

楊彪荅曹操

袁紹與北海太守

袁術謝諸守臣

田豐與袁本初

郭嘉與曹孟德

關羽與張文遠

關羽報曹孟德

關羽謝曹孟德

關羽與曹孟德

孫策荅呂布

蓋勳與董卓

陳珪荅袁術

陳登與袁紹

劉表與袁談

孔明與關羽

孔明與兄瑾

孔明與兄瑾

孔明識子

孔明與張裔

孔明與杜微

諸葛瑾與張魯

劉巴答劉先主

許靖與曹操

徐庶與孟達

費禕與王商

馬謖與孔明

郭攸之與費禕

秦宓與劉鄩

秦宓答王裔

曹植與司馬懿

陳琳答張紘

陳琳與曹植

張紘答友人借雜義

桓範與管寧

稽茂齊答趙景真

田豫答司馬懿

周瑜與孫權

魯肅與昭烈帝

王朗謝惠李

王朗與許靖

鄧艾上司馬文王

郭淮與司馬懿

杜恕誡子

呂布答曹操

應瑒與臧洪

應瑒報龐惠恭

虞翻與客

聶友與滕胤

孫仲奇妹臨終授書

兩亞目

晉宣帝與孔明

晉宣帝答司馬孚

晉宣帝與許允

晉文帝答王基

張就上父

應璩與曹伯昭

王基上司馬文王

山濤與弟

杜預與王濬

王沈答傅玄

張華與褚陶

張華與江都

羊祐與弟

吾誕與郭魏

傅玄上晉武

杜預上晉武

范通與王濬

崔浩上魏主

夏主勃與王德

桓玄與王謐

權翼上符堅

蔣濟與衛臻

王導答雷煥

妹淑與兄弟

陸机與弟雲

陳氏徐藻妻與妹劉氏

孫楚薦傅長虞

陸雲與兄机

劉琨與親故

劉琨與友人

王敦與僚屬

陶侃與荀慈

晉書卷之

五

陶侃與庾亮

顧榮與友人

賀循論楊芳

孫盛與桓溫

謝安與支遁

王羲之與友人

王羲之與友人

又與友人

又與友人

與殷浩

與謝吏部

又與謝吏部

辭郡

王獻之與兄子猷

陶潛與子

南北朝

宋

宋高祖下有司

宋文帝與魏世祖

宋武帝下皇太子

宋武帝與王玄謨

謝靈運答綢琳二法師

顏延之與王曇首

顏延之答丘珍孫

魏

魏高祖戒咸陽王等禧

魏高祖賜王肅

賀拔岳報爾朱天光 賀拔勝與宇文泰

齊

王融與劉虬

劉澤答郡守惠詩

梁

與昭興王魏高祖

梁元帝與劉璠

昭明太子明山賓下

昭明太子與何胤

梁朝公卿訪陶弘景

江革辭饋

劉之遴與劉孝標

徐勉戒子崧

徐勉戒子

沈約答劉繪

沈約謝賜綉葛

何胤答皇太子

王僧孺與范况

陶弘景與曇鸞

陶弘景答謝中

陶弘景與虞仲

任昉與沈約

吳均與顧章

曹景宗合趙英才

何遜為衡山侯與婦

劉之遴上皇太子

劉之遴謝東宮賚園

陳

陳高祖與虞荔
徐陵與楊愔
陳暄與兄子秀

陳文帝與江惣
周弘正荅王褒

隋

隋高祖賜源雄
隋煬帝與史祥

隋高祖賜賀若弼
隋煬帝與徐則

楊暕與崔頤
房彥謙與張衡

王貞荅齊王陳
王通與楊素

漢書與魏書

王貞答齊王勅

謝朝與謝朝

王貞答齊王勅

歷朝名公尺牘大全卷二

太倉王錫爵選錄

豫章李國憲序次
金陵周近泉督刊

後漢

賜馮異

光武帝

始雖垂翅回谿終當奮翼澠池可謂失之東隅收之桑榆聞吏士精銳水火不避購賞之賜必不令將軍負丹青失斷金也

與隗囂

班孟堅

劉氏承堯之祚堯據火德而漢紹之有赤帝之符俗見高祖興于布衣不達其故至此天下于逐鹿不知神器有命不可以智力求也昔陳嬰之母以嬰家世貧賤卒富貴不祥止嬰勿王王陵之母知漢必得天下伏劍而死以固勉陵是故窮達有命吉凶由人嬰毋知廢陵毋知興審此二者帝王之事決矣

報竇融壘書

光武帝

今益州有公孫子陽天水有隗囂時方蜀漢相攻

君物軍舉足左右便有輕重以此言之欲厚豈有量哉欲遂立桓文輔微國當勉率功業欲三分鼎足連衡合從亦宜以時定天下未并吾與爾絕域非相吞之國今之議者必有任囂教尉佗制七郡之計王者有分土無分民自完已事而已

賜耿弇

光武帝

昔韓信破歷下以開基今將軍攻祝阿以發迹功足相方而信襲擊已降將軍獨拔勛敵其功又難于信也將軍前在南陽常以為落落難合然有志者事竟

成也

上隗囂

王元

天水完富士馬叢強元請以一丸泥為大王東封函
谷關圖王不成其救猶足以伯要之魚不可脫于淵
神龍失勢與蚯蚓同

賜臧宮馬武

光武帝

昔黃石公記曰柔能制剛弱能制強舍近謀遠者勞
而無功舍遠謀近者逸而有終故曰務廣地者荒務
廣德者強今國無善政災變不息而渡欲遠事邊外

其能以必勝乎

上光武

潘洋

昔堯舜之世猶加三考大漢之興亦累功效吏皆積
久至長子孫間者守宰故易尋其視事日淺未足昭
見其賤願陛下遊意于經年之外望治于一世之后

上光武

陳元

臣聞師臣者帝賓臣者伯故武王以太公為師齊桓
以夷吾為仲人道則高祖優相國之禮太宗假宰輔
之權陛下宜脩文武之聖典襲祖宗之遺德勞心下

士屈節侍賢誠不可使有司察公輔之罪

誠子

馬援

尤伯高敦厚周慎謙約節儉廉公有威吾愛之重之
願汝曹效之杜季良豪俠好義憂人之憂樂人之樂
父喪致客數群畢至吾愛之重之不願汝曹效也效
伯高不得猶不失為謹飭之士所謂刻鵠不成尚類
于鶩效季良不得則為天下輕薄子所謂畫虎不成
反類其狗吾生平所得力士者在此兩人汝曹當以
斯言為佩

賜王常

光武帝

王廷尉良苦每念往時共更艱危何日忘之莫往莫
來豈違平生之言乎

報隗囂

光武帝

若束手自謹父子相見保無他也高皇帝云橫來大
者王卜者侯若遂欲為黥布者亦自任也

賜竇融

光武帝

吾有將軍如左右手耳數執謙退何不曉人意勉循
士民無擅離部曲

賜賈復

光武帝

滹沱之役到今猶有戒心千鈞之弩機不輕發將軍可無快於一擊

與嚴子陵

光武帝

古大有為之君必有不召之臣朕何敢臣子陵哉唯此鴻業若涉春冰辟之瘡痂須杖而行昔綺里不少高皇柰何子陵少朕也箕山潁水之風非朕之所望

與江南守臣

光武帝

昔許由高箕穎之節惟彼陶唐無相知之素耳子陵

朕故人也宜不恠一見其令所在官司物色之以悉朕意

賜岑彭

光武帝

西城若下便可將兵南擊蜀慮人心苦不知足既平隴復望蜀每一發兵頭鬚為白

賜侯將軍

光武帝

卿歸田里蜀不令妻子從將軍老矣夜臥誰為搔背痒也

與東平王倉

明帝

辭別之後獨坐不樂因就車歸伏軾而吟瞻望永懷

實勞我心誦及采菽以增歎息

與東平王倉

章帝

骨肉天性誠不以遠近為親踈然素見顏色情重昔時念王久勞思得還休欲署大鴻臚奏不忍下筆顧授小黃門中心戀戀惻然不能言

上漢光武

嚴光

游魚思淵麋鹿走壙被文錦而中犧牲之用不若生而曳尾塗中使光得歸耕于富春足矣熙載之烈非所敢望也

與咎上人

楚太子倬

聞聖僧真諦翻意浮提真苦海耳便須裹足作佛家奴一證慈航登彼覺岸安能俛頰作地獄種子也

與戊巳校尉

竇憲

匈奴沐漢高威德久矣間者復不靖闕焉問討則當事者之過也幸以椒房親視事以來夙夜戒備得專征伐諸所賞否有明天子三尺法在終不敢干以私二三大夫其尚恃明伍仗以俟

與隗囂

申屠剛

壘書數到欲與將軍共同吉凶布衣相與尚有沒身
不負然諾之信况萬乘哉今何畏何利久疑如是卒
有非常之變上成忠孝下愧當世誠願反覆愚老誌

與楊太僕

梁冀

間者得請列侯以暨卿士校尉俱不受門徑蕭然幅
巾私第會當挈携妻子種果芋山中歲賦秫米二三
百釜落而為漿陶陶沉飲此外不議人間事矣

與馬融

高彪

承祗風問從來有年故不待介者而詢大君子之問

冀一見龍光以敘心腹之願不圖遭疾幽閉莫啓昔
周公且父文兄武九命作相以尹華夏猶揮沐吐餐
垂接白屋故周道以穠天下歸德公養疴傲士故其宜也

與劉佑

荀淑

昔泰伯三讓人無得而稱焉延陵高揖華夏仰風吾
子懷蘧伯玉之可卷禮審武子之如愚微妙玄通冲
而不蔑三光之明未暇以天下為事何其邵與邵精也

與妻徐淑

秦嘉

車還空返甚失所望兼敘遠別恨恨之情顧有悵然

間得此鏡既明且好形觀文彩世所罕有意甚愛之
故以相與并寶釵一雙好香四種素琴一張常所自
彈明鏡可以鑑形寶釵可以耀首芳香可以馥身素
琴可以娛耳

與夫秦嘉

徐淑

既惠音令兼賜諸物厚碩殷勤出于非望鏡有文彩
之麗釵有殊異之觀芳香既珍素琴益好惠異物於
鄙陋割所珍以相賜非豐恩之厚孰肯若斯覽鏡執
釵情想彷彿操琴詠詩思心成結勅以芳香馥身喻

以明鏡鑑形斯言過矣未獲我心也昔詩人有飛蓬
之感班婕妤有誰榮之嘆素琴之作當須君歸明鏡
之鑑當待君還未覩光儀則寶釵不列也未侍帷帳
則芳香不發也

與子元珪

杜秦姬

中人情性可上下也在其檢耳若放而不檢則入惡
也昔西門豹佩韋以自寬宓子賤帶弦以自急故能
改身之恒為天下士

與張絃

趙嘉

前勞手筆多篆書每舉篇見字欣然如復而其人也

與兄子

趙嘉

大丈夫遁無箕山之操仕無伊呂之勲天不我與復何言哉可立一圓石於吾墓門側刻之曰漢有逸民姓趙名嘉有志無時命也柰何

與杜喬

范滂

前別意恨甚多不悉幸從事至承獲所訊喜而起居無恙也僻疾不得復與足下岸幘廣坐舉杯相抔以為邑邑前日元將來雅度弘毅昨仲將來開敏篤成

不意雙珠近出老蚌甚珍貴之遺書通心

與陳蕃

范滂

卧病林下與世不相聞者幾多年矣西望黃鶴聲聞缺然固其勢也伏奉琅書為之縮頸以慚帝學名流世所敬羨春風小削當必有爭而致之者其何力焉

回杜喬

郭泰

雪霰交下凄風水入詩肩如山毛髮為裂無能應知已之招也亮之

與黃瓊

郭泰

某以貧故食無魚以旱故羹無蔬日煮澗泉飲脫粟耳海物惟錯半含蒼潮所謂眼中頓有兩主人也

與陳蕃

徐穉

某與執事為同登而生又同甲簷花細雨豈不願承一夕教妻其旅思孤帆欲逐東矣意氣相與毋枉

再

與朱穆

李膺

某疎拙多將吾兄知之舊矣然中實無他久亦自信別紙讀之甚恐某接契來非一日豈復以人上浮言為事而况無有耶此告者過也當路紛紛易得嗔喜

類此一切勿聽而已

與尹上人

李膺

塵中多事竟不能抽身到書邊上方鎖白雲妄意暫假為觀書地儻蒙慨許叅考之次或掩卷行吟亦可共話孔墨相為用處

與周仲進

賈彪

家索小詩豈敢自外容杼思也公一世名臣當有翰墨之士道古今而譽盛德安用蒼蠅之聲出於蚯蚓竅中乎

與楊震

黃憲

執事居九華山下櫛蔬飯僧溜泉洗鶴一飛一塵矣
某酌徵君墓後即往見

與房植

周舉

易書非佛書比也佛自立一說使人割其所親獨立
於空寂之中爰象豕繫何往非天理哉兄欲拜孔氏
之廟不宜以佛書加之于易

與劉寵

陳蕃

日外郊行見有盤踞草中疑為怪物徐而視之則暗

香一根移植檻間竒心可狀柰無園可栽敢持為齋
閣獻君雖榮貴必不賤我枯朽也

與黃叔度

楊震

某與兄蟄處壅牖久矣一聲霹靂春夜發祥而棕履
適至其與我共驚人之鳴乎

與朱邑

張柬之

明主遊心太古廣延茂士此誠忠臣竭思之時也值
某遠守劇郡馭於繩墨胸臆約結固亡竒也雖有亦
安所施足下以清明之德掌周稷之業猶饑者甘糟

尺牘大全 後漢卷二
糠糲歲餘梁肉何則有亡之勢異也昔陳平雖賢須
魏清而後進韓信雖奇賴蕭公而後信故事各達其
時之英俊若以伊尹呂望而後荐之則士人不因足
下而進矣

與平阿侯

桓彥範

君侯宜在上將久矣以大將軍在故抑鬱於家今大
將軍將薨累親踈序材能宜在君侯拜將之日京師悵然
久望屬聞以特進領城門兵愚竊不為君侯喜宜深
屏職冒陳淺薄不足以固城門之守收泰伯之讓保

謙之名闔門高枕為智者首願君侯與博覽者參
之小子為君侯安此

誠兄子

馬援

吾欲汝曹聞人過失如聞父母之名耳可得而聞口
不可得而言也好論議人長短妄是非正法此吾所
大惡也寧此不願聞子孫有此也汝曹知吾惡之甚
矣所以復言者施衿結襦申父母之誠欲使汝曹不
忘之耳

上梁冀

朱穆

穆每事不逮所好惟學傳授于師時有可諾願將軍少察愚言申納諸儒而親其忠正絕其姑息專心公朝割除私欲廣求賢能斥遠佞惡

戒子

梁冀

日中則昃月盈則虧頃見諸弟甲第聯雲門巷如市令人駭目警心不願汝曹學也鄧竇之季汝曹益稔聞之一旦不戒翰為劫灰殷監不遠可畏哉

徙朔方上書

蔡邕

既到徙所乘塞守烽職在望候憂恠焦灼無心復能

撰筆成草致章闕庭

辭羣辟

蔡邕

申屠蟠稟氣玄妙性敏心通喪親盡禮幾于毀滅至行美誼人所鮮能安貧樂潛味道守貞不為燥濕輕重方之于邕以齒則長以德則賢

與申屠蟠

黃忠

昔人之隱遭時則放聲滅迹巢棲茹薇其不遇也則裸身大咲彼豈無謂也哉幸自思之

答孔融

張茂

虞仲翔前頗為論者所侵美玉瑀磨益光不足以損

答友人

孔融

春初飲醇挹清嗣日邇誨益益然坐我春風令人消
得無限鄙吝何幸何幸來教詳領

與竇玄

竇玄妻

棄妻斥女敬白竇生卑賤鄙陋不如貴人妾日以遠
彼日以親何所控訴仰呼蒼天悲哉竇生衣不厭新
人不厭故悲不可忍怨不可去彼獨何人而居我處

與夫

高文惠妻

今奉織成襪一量願著之動與福并

三國

答孫權

昭烈帝

備與璋託為宗室冀憑英靈以匡漢朝今璋得罪左
右備獨竦懼非所敢聞願加寬貸若不獲請備當散
髮歸于山林

與諸葛孔明

昭烈帝

姜伯約忠勤時事思慮精密考其所有永南季常諸

人不如也其人涼州上士

與諸葛孔明

後主

銜亭之役咎由馬謖而君引愆深自貶抑重違君意聽順所守前年耀師馘斬王雙今歲爰征郭淮遁走降集氐羗興復二郡威震凶暴功勳顯然方今天下騷擾元惡未梟君受大任幹國之重而又自挹損非所以光揚先烈矣今復君丞相勿辭

與荀元明

魏武

伯偕有命世之才而死非其罪孤每為之撫心之才

之美還當以十世宥顧可使無後耶聞有女在胡聰明才辨班大家之流亞也當不惜千金致之

與關雲長

魏武

玄德吾弟也將軍事玄德如事孤耳本初剛愎自用宜不相下孤事天下猶一家也歸語玄德乘長風者半舟楫白日往矣瞻烏爰止於誰之屋哉

報孫權

魏武

近者奉辭伐罪旌麾南指劉琮束手今詔水軍八十萬眾與將軍會獵于吳

報揚阜

魏武

君與羣賢共建大功西土之人以為美談子貢辭賞仲尼謂之止善君其剖心以順國命

與孫權

魏武

赤壁之役值有疾病孤燒船自退橫使周瑜虛獲此名

與王修

魏武

軍師之職開于司金至于監功重于軍師恐傍人淺見以蠡測海畫蛇添足張甲李乙有此空聲冒實濫

畫亂耳亦庶鍾期不失聽

與王大理

魏文

生有七尺之形死為一棺之土惟立德揚名可以不朽其次莫如著篇籍疫癘數起士人彫落余獨何人能全其壽

答曹操

楊彪

彪白雅顧隆篤每蒙接納私自顧慰小兒頑鹵謬見采錄不能期效以報所愛相子之行莫若其父恒慮必致傾敗足下恩怨延罪迄今聞慰之日心腸酷裂

凡人情誰能不爾深惟其失用以自釋所惠馬及雜物自非親舊孰能至斯省覽衆賜益以悲懼

與北海太守

袁紹

漢家無甚失道徒以太阿倒握政付刑餘黨錮諸賢毒流海內識者為之寒心某世登元宰得專征柄日愴神京髮豎背裂不自度德量力欲提孤旅之師掃清宮嚮比死者一洗之凡我同盟幸戒期毋自失

謝諸守臣

衣術

天下事大可憂瘡痍祇除二豎迫據膏肓令人震懼

僕中宵躑躅鍼砭不施惟歸而繕精兵以覘其變諸君志在王國幸不恡熟計之

與袁本初

田豐

明公四世元老人望所宗間者入清禁掖不以此時居中制外而下同藩邦望人眉睫則諸臣之過計也悔之

與曹孟德

郭嘉

漢之宗親俱守穴鼠耳劉備有鷹隼之才秋風倏起獵獵有凌雲心明公宜謹避之

與張文遠

關羽

魯仲連東海之匹夫耳為齊下士然且恥不帝秦職為通侯列漢元宰獨可使負漢耶子且休矣

報曹孟德

關羽

明公布大義于天下而速取自樹非某之所敢知君猶是漢也羽敢不臣漢哉敢拜嘉命之辱

謝曹孟德

關羽

羽聞主憂臣辱主辱臣死曩所以不死欲得故主之音問耳今故主已在河北此心飛越神已先馳惟明

公幸少矜之千里追隨當不計利害謀生死也子女玉帛之貺勒之寸丹他日幸以旗鼓相當退俟三舍意者亦欲如重耳之事秦繆者乎羽謝

與曹孟德

關羽

劉豫州有言尉佗秦之小吏耳猶獨立不詭某啞啞飛鳴翔而後集寧其志終小人下也使明公威德布於天下幹旋漢鼎窮海內外將拜下風沐高義矣獨某兄弟壯瞻悚羽載復

答呂布

孫策

海產明珠所在為寶楚雖有才晉實用之英偉君子
所游見珍何本州哉

與周瑜

孫權

吾與足下義結執素恩比同生

答虞仲翔

龐士元

大軍征西足下留鎮閩外若能保安壯稷深固折衝
亦大勲也無迺李廣之氣倉卒益奮以盡餘憤乎南
北茲定世將無事孫叔投戈絳灌俎豆亦在今日

與劉玄德

龐士元

拜仲升高德美名命世之才非弭氏小族所有新豐
土所當出也

與蔣琬

龐士元

孝起前為吾說正方腹中有鱗甲鄉黨以為為不可近
吾謂鱗甲但不當犯之耳不圖復有蘇張之事

與孫策

荀攸

伏惠珍奇下土所無摧骸骨碎肝膽不足明報

戒子

司馬徽

聞汝充後室如懸磬何以自辨論德則吾薄說居則

吾貧勿以薄而志不壯貧而行不高也

與董卓

蓋勳

昔伊尹霍光權以立功猶可寒心足下小醜何以終此賀者在門弔者在閭可不慎哉

答袁術

陳珪

曹將軍神武應期興復典刑將撥平凶慝清定海內信有徵矣以為足下當戮力同心匡翼漢室而陰不軌以身弒禍豈不痛哉若迷而知反尚可以免吾備舊知故陳至情雖逆于耳肉骨之譚也欲吾營私附

阿敢以死請

與袁紹

陳登

天降災沴禍臻鄆州州將殂隕生民無主恐懼奸雄一旦乘隙以貽盟主日昃之憂輒共奉故平原相劉備府君以為宗主百姓知所依歸方今寇難縱橫不遑釋甲謹遣吏奔告於執事

與袁譚

劉表

君子違難不適讎國交絕不出惡聲况忘先人之讎棄親戚之好而為萬世之戒遺同盟之恥哉若冀州

有不弟之傲仁君當降志辱身以濟事務事定之後使天下平其曲直不亦為高義耶

與關雲長

諸葛亮

孟起兼資文武雄猛過人一世之烈黥彭之徒當與翼德並驅爭先未若髯公絕倫逸羣也

與兄瑾

諸葛亮

殷往嗣秀才之僑胥者也

僑子產名胥叔向名

東吳菰蘆中麴

有奇偉如此人

與兄瑾

諸葛亮

瞻今已八歲聰慧可愛嫌其早成不為重器

誠子

諸葛亮

夫君子之行靜以修身儉以養德非澹泊無以明志非寧靜無以致遠夫學須靜也才由學也非學無以廣才非靜無以成學惰慢則不能研精險躁則不能理性年與時馳意與歲去遂成枯落悲歎窮廬將復何及

與張裔

諸葛亮

去婦不顧門委非不八園以婦人之情草萊之性猶

天崩大全 三國卷一
有所恥想忠壯者意何所之

與杜微

諸葛亮

曹丕篡弒自立為帝是猶土龍芻狗之有名也欲與羣賢以正滅之恠君未有相誨便欲求還山野

與張魯

諸葛瑾

靈仙養命擢節松霞而享身嗜味奚能尚道

答劉先主

劉巴

昔遊京壯時涉師門記問之學不足紀名內無楊朱守靜之術外無墨翟務時之風猶天之南箕虛而不

用賜書廼欲令賢甥摧鸞鳳之豔游燕雀之宇將何
以啓明之扎愧于有若無實若虛何以堪之

與曹孟德

許靖

驚怯偷生自竄荆蠻縣心北風欲行靡由漂泊風波
絕糧茹草欲歸死闕庭而荆州水陸無津交部驛使
斷絕益州復有峻防仰企光靈何由假翼自致哉

與孟達

徐庶

吾與孔明俱受寄託憂深責重思得賢伴

與王商

費禕

尺牘大全 三國卷一
文休倜儻瑰偉當世之具足下當以為指南

與孔明

馬謖

明公視謖猶子謖視明公猶父顧深惟歿鯨用禹之義使平生之交不虧於此謖雖死無憾于黃壤也

與費禕

郭攸之

昔岑彭率師來歙杖節咸見害於刺客今明將軍位尊權重宜鑑前事少以為警

與劉鄩

秦宓

處士任安仁義直道流名四遠如今見察則一州斯

服甫欲鑿石索玉剖蚌求珠今廼隨和炳然有如皎日復何疑哉

答王商

秦宓

以國君之賢子為良輔不以是時建蕭張之業未足多也僕得曝背乎隴畝之中誦顏氏之簞瓢詠原憲之逢戶時翱翔於林澤於沮溺之等傳聽玄猿之悲吟察鶴鳴于九臯安身為樂無憂為福處空虛之名居不靈之龜知我者希則我貴矣斯廼僕得志之秋也何困苦之戚焉

與司馬懿

曹植

今賊徒欲保江表守區區之吳耳無有爭雄宇內角勝中原之志也故其俗蓋以洲渚為營壁江淮為城塹而已若可得挑致則吾一旅之卒足以敵之矣蓋弋鳥者矯其矢釣魚者理其綸此皆度彼為慮因象失宜者也今足下曾無矯矢理綸之謀徒欲候其離州伺其登陸廼圖并吳會之地收陳野之民恐非主上授節命將之心也

答張紘

陳琳

自僕在河社與天下隔此間率少于文章易于雄伯故使僕受此過差之譚非其實也今景興在此足下與子布在彼所謂小巫見大巫神氣盡矣

與曹植

陳琳

明使君始垂憐哀意眷養日崇譬之疾廼始炎農分藥岐伯下針疾雖未除就沒無恨何者以其天醫至神而營魄自盡

答人借雜義

張紘

雜義向亦搜聚成冊忽然羽化竟不知伴何處也

與管寧

桓範

金坏而處養德顯仁堯舜在上許由在下箕山之志於是復顯嚴平鄭真未足論比思請見于蓬盧之側厥途無由託思晨風

答趙景真

稽茂齊

足下以琬琰之璞未剖而求先時之美騏驥之足未攄而希絕景之功心銳而動淺望速而應遲故有企慕之懷夫處靜不悶古人所貴窮約不濫君子所美故顏生居陋不改其樂孔父困陳絃歌不廢幸吾子

思弘遠理以之自榮將與足下交伯成干窮野結箕山乎蓬屋侶范生於海濱儔黃綺于商岳憑輕雲以絕馳足下之所樂亦吾心之所願也

答司馬懿

田豫

年過七十而以居位譬如鐘鳴漏盡而夜行不休是罪人也

與孫權

周瑜

瑜短命美誠不足惜但恨微志未展不復奉征討耳方今曹操在壯疆場未靖劉備寄寓有似養虎天下

之事未知終始此朝士旰食之秋至尊乘慮之日也
魯肅忠烈臨事不苟可以代瑜倘所言可採瑜死不
朽

與漢昭烈

魯肅

龐士元非百里才也使處治中別駕始當展其驥足
耳

謝惠李

王朗

柰以夏熟今則冬生物以非時為珍恩以絕日為厚
朗謝

與許靖

王朗

武皇帝於江陵劉景升驅事上共論道足下至於通
夜不之忘倦飢渴元已

上司馬文王

鄧艾

蜀卒衆歸命地盡南海東接吳會宜早鎮定若待因
命徃復道途延引日月春秋之義大夫出疆有可以
安社稷利國家專之可也今吳未賓孰與蜀連不可
拘常以失事机兵法進不求名退不避罪艾無古
人之節終不自嫌以損于國也

與司馬懿

郭淮

五子哀戀思念其母其母既亡則無五子五子若殞亦復無淮

誠子

杜恕

張子臺視之似鄙朴人然其心中不知天地間何者美好作人如此自可不富貴然禍患當何從而來

答曹操

呂布

布獲罪之人分為誅首手命慰勞厚見褒獎重見購捕袁術等詔書布當以命為效

與臧洪

應瑒

隔濶相思發於寤寐幸相去步武間耳而以趨舍異規不得相見其為愴恨可為心哉

報龐惠恭

應瑒

足下剖符南面振威千里行人子羽朝夕相繼曾不枉咫尺之路問蓬室之舊過意賜書辭不半紙慰藉輕於繒縞譏望重於丘山是角弓之詩所以為刺也

與客

虞翻

僕聞琥珀不取腐芥磁石不受曲鍼過而不存不亦

與滕胤

聶友

當人強盛河山可拔一朝羸縮人情萬端言之悲歎
臨終授書

孫仲奇妹

鏡與粉盤與郎香奩與若欲其行身如明鏡純如粉
譽如香

身重息

惠

賦不辭昧良其然外可然心結

詞賦昧思然外辭辭幸昧去步左問五所以變舍異

與無與

孰

黃公衡快士也每嘆述足下不去口實

答司馬孚

宣帝

亮志大而不見機多謀而少決好戰而無權雖提兵
十萬已墮吾畫中破之必矣

與許允

宣帝

鎮壯雖少事而都典一方念足下震十鼓建朱節歷
本州此所謂衣繡畫行也

答王基

晉文帝

允處事者多曲相從順鮮能確然其盡理實誠感忠

愛每見規示輒依來肯已罷軍嚴

上父

張就

大人率厲燉煌忠義顯然豈以就在困厄之中而替之哉昔樂羊食子李通覆家報國之臣寧懷妻孥耶今大軍垂至但當促兵以掎之耳願不以下流之愛使就有恨於黃壤也

與曹伯昭

應璩

空城寥廓所聞者悲風所見者烏雀損書及遠若從雲墜

上司馬文王

王基

昔漢祖納酈生之說欲封六國悟張良之謀而起銷印基智慮淺短不及留侯亦懼襄陽有食其之謬

與弟

山濤

長子容當為求婦遠求小姓足使生子天其福人不貴族芝草無根醴泉無源

與王濬

杜預

足下既摧其西藩便當徑取秣陵矧累世之逋寇釋吳人於塗炭自江入淮逾於泗沂沂河而上振旅還

都亦曠世一事也

答傅玄

王沈

省足下所著書言富理濟經綸政體存重儒教足以塞揚墨之流遁齊孔孟於往事每開卷未嘗不嘆息也不見賈生自以過之廼今不及信矣

與褚陶

張華

二陸龍躍於江漢彥先鳳鳴於朝陽自此以來嘗恐南金已盡而復得之於吾子故知州之德不孤淵實之寶不盡

上晉武

傅玄

先王之御天下教化隆于上清議行于下近者魏武好法術而天貴刑名魏文慕通達而天下貴守節其后綱維不相放詭盈朝遂使天下無復有清議矣

上晉武

杜預

古者黜陟擬議于心不泥于法末世不能紀遠而專求微密疑心而信耳目疑耳目而信簡書簡書愈繁官方愈偽魏氏考課即京房遺意其文可謂至密然失于苛細以違本意豈若申唐堯之舊制取小捨大

去密就簡俾之易送委任達官各考其統其有優劣
徇情不恊公論者當委監司隨而彈之若令上下公
相容過此為公議大類雖有考課之法亦無益矣

與王濬

范通

卿功則美矣然恨所以居美者未盡也卿旋旆之日
角巾私第口不言平吳之事若有問者輒曰聖主之
德群帥之力老夫何功之有此藺生所以屈廉頗也
王渾能無愧乎

上魏主

崔浩

慕容垂籍父兄之資備復舊業國人歸之若夜蟲之
赴火少加倚仗易以立功裕起寒微不階尺土討滅
桓玄興復晉室北擒慕容超南梟盧循所向無前非
才之過人能如是乎裕克秦而歸必篡其主閔中華
戎雜錯風俗勁悍裕歆以荆楊之化施之函秦無異
解衣抱火張羅捕虎適足為寇敵之資爾願按兵息
民以觀其變秦地終為國家之有矣

與王德

夏主勃勃

閔中形勝之地而裕以幼子守狼狽而歸正歆急成

纂成不暇渡以中原為意此天以關中賜我不可失也

與王謐

桓玄

裕為一世之雄毅家無擔石樗蒲一擲萬百何無忌酷似其勇共舉大事何謂無成

上符堅

權翼

慕容垂勇過過人世家東夏頌以避禍而來其心豈止欲作冠軍而已批辟如養鷹飢則附人每聞風颺之起常有凌霄之志正宜謹以條籠豈可泛其欲批

與江統

張華

昔王子師為豫州未下車辟荀慈下車辟孔文舉貴州人士有堪應此者不

與弟

羊祜

既定戎事便當角巾東路歸故里為容棺之墟以白士而居重位何能不以盛滿受責二疏是吾師也

與郭魏

韋誕

蔡邕自矜能書兼明斯喜之法非得紉素不妄下筆工欲善其事必先利其器用張芝筆左伯紙及臣墨

又得臣手然後可以盡徑丈之執方寸之言

與衛臻

蔣濟

漢祖遇亡虜為上將周武拔漁父為太師布衣廝養可登王公何必守文武而後用

答雷煥

王導

所致詳劍文廼于將也莫邪可至不雖然天生神物終當合耳

與兄弟

妹淑

夙邁禍罰喪其所天男弱未冠女幼未笄是以僂俛

求生長育一子上奉祖宗之祀下繼祖禰之體然後覲於黃泉永無慚色仁兄德弟既不能勵高節於弱志發明於闇昧許我他人逼我干人晏嬰不以白刃臨頭改正直之辭梁寡不以毀形之痛忘執節之操高山景行豈不思齊兄弟備名學門不能匡我以道雖曰既學吾必謂之未也

與弟雲

陸機

此間有一傖父欲作三都賦須其成以覆酒甕耳

與妹劉氏

陳氏 徐藻妻

見偉方所作先君誄其述誄勲德則仁風靡墜其言
情訴哀則孝心以敘執誄反覆庶備起予先君既體
弘仁義又動則聖檢道長祚短時乏識真榮位未登
高志不遂本不標方外蹟者也老莊者絕聖棄智渾
齊萬物等貴賤忘哀樂非經典所貴非名教所取何
必輒引以為喻耶可共詳之

薦傅長虞

孫楚

騏驥不能遺名於伯樂良寶不能藏耀於卞和是以
輝光夜射價連秦趙飛駟影絕終朝千里物尚有之

士亦宜然

與兄機

陸雲

兵真凶事生來初不習見頃觀之正自使人意惡

與親故

劉琨

吾枕戈待旦志梟逆虜恒恐祖生先吾着鞭

與友人

劉琨

彥國吐佳言如鋸木屑霏霏不絕誠為後進

與僚屬

王敦

昔王輔嗣吐金聲於中朝衛玠今復王振於江表不

意永嘉之中復聞正始之音阿中若在當復絕倒

與荀崧

陶侃

杜曾凶狡所將之卒皆豺狼也可謂鷓鴣食母之肉
此人不死州土未寧足下當識吾言

與庾亮

陶侃

賞罰黜陟國之大信切恠矯然獨為君子

與友人

顧榮

傅長虞為同隸勁直忠果刻案驚人

論揚方

賀循

此子開拔有志意只言異於凡猥耳不圖猥才如此
其父甚有奇名出其胸臆迺是一國所推如方者迺
是荒萊之時苗鹵田之善莽姿質已良但染未足耳
移植豐壤必成佳稻

與桓温

孫盛

州遣從事觀採風聲進無鳳凰來儀之美退無鷹鷂
搏擊之用徘徊湘川將為恠鳥

與支遁

謝安

思君日積計遣傾遲知欲還剡自治甚以悵然人生

如寄耳頃風流得意之事始為都盡終日蹙蹙觸事
惆悵惟遲君來以悟言消之一日當千載耳此多山
水山縣間靜差可養疾事不異剡而醫藥不同必思
此緣副其積想

與友人

王羲之

石脾入水即乾出水便濕獨活有風不動無風獨搖
天下物理豈可以意求惟上聖迺能窮理

與友人

王羲之

吾為逸民之懷久矣足下何以示復及此豈夢中語

耶無緣言面為嘆書何能悉

與友人

王羲之

足下今年政七十耶知體氣常佳此大慶也
想後懃加頤養吾年垂耳順推之人理得爾以為厚幸但恐
前路轉欲逼耳以爾要一遊自汶嶺非復常言足下
但當保護以俟此期

與友人

王羲之

古之御世者廼志小天下今封域區區一方任耳而
恒憂不治為特恥之

與殷浩

王羲之

接輿狂歌今先生處平壤遊人間吟典籍襲衣裳事異昔人而欲夙蹈其跡不亦難乎孔子可師何必首陽

與謝吏部

王羲之

古人之辭世者或被髮佯狂或汙身穢跡可謂艱矣今僕坐而獲逸遂其宿心其為慶幸豈非天錫違天不祥

與謝吏部

王羲之

頃東遊還修治桑果今盛歎榮率諸子抱弱孫遊觀其間有一味之甘割而分之雖植德無殊邈猶欲教養子孫以敦厚退讓彷彿萬石之風

辭郡

王羲之

篤不喜見客篤不堪煩事此自死不可化而人理所重如此都郡江東所聚非復弱幹所堪足下未之知耳

與兄子猷

王獻之

兄伯蕭索寡會遇酒則酣暢忘返廼可自矜

與子

陶潛

少來好書偶愛閒靜開卷有得便忻然忘食見樹木
交陰時鳥變聲亦復歡爾有喜吾嘗于五六月中北
窓下卧遇涼風暫至自謂羲皇上人

晉終

南北朝

宋

下有司

宋高祖

吾叅大寵思延賢彦而免且潛處考槃未臻側席丘
園良增虛佇南陽宗炳鴈門周續之並植操幽棲無
悶巾褐可下辟召以禮屈之

與魏世祖

宋文帝

自頃歲成民阜朝野無虞春末當巡吳會以盡遊豫
臨蒼海探禹窟陟姑蘇之臺搜長洲之苑舟楫雖盛
寡於良駟想能惠以逸足

下皇太子

宋武帝

書不長進此是一條耳聞汝素多懈怠猶戾日甚何頑固迺爾耶

與王玄謨

宋武帝

聞因敗為成臂上金瘡得非金印之徵也

答綱琳二法師

謝靈運

披覽隻雞

法師名

傾若暫對藻豐論博蔚然滿目可謂

勝人之口然未厭於心聊申前對執筆長懷

與王曇生

顏延之

君家高世之善有識歸重豫染高論所應述載况僕

託慕末風竊以敘德為事但恨筆短不足書矣

答丘珍孫

顏延之

褚先生從白雲舊矣古之逸人或留慮兒孫或使華陰成市而此子索然惟朋松石介於孤峰絕嶺者積數十載近故要其來此真慰日夜比談討之桂借訪薛蘿若已窺煙液臨滄洲矣知君欲見之輒當申譬

宋終

魏

戒咸陽王禧等

魏高祖

汝等國之至親皆幼年任重三都折獄特宜用心夫
未能操刀而使割錦非傷錦之尤實授刀之責皆可
修身慎行勿有乖爽

賜王肅

魏高祖

不見君子中心如醉一日三歲我勞如何飾館華林
拂席相待卿欲以何日發汝墳也

報爾朱天光

賀拔岳

王家跨據三方士馬殷盛高歡烏合之衆豈能為敵

然師克在和但願同戮力耳若骨肉離隔圖存不暇
安能制人

與宇文泰

賀拔勝

勝萬里杖策歸身闕庭冀望與公掃除逋寇不幸殞
斃微志不伸若死而有知猶望魂飛賊庭以報恩遇
耳

與崔思祖

齊高祖

不食周粟而食周薇古猶發議在今寧得息談耶聊

天曆大全 齊卷二
以為笑

戒子

王僧虔

汝年入立境方應從宦兼有室累何處復得下帷如
王郎時耶各爾身已切豈復關吾耶思惟知愛深松
茂栢寧復知子弟毀譽因汝有感故畧叙胸懷

遺友崔思祖

劉善明

昔時之遊於今邈矣或携手春林或負杖秋澗逐清
風於林杪追素月於園垂如何故人徂落殆盡足下
方擁旄壯服吾剖竹南甸相去千里來會何時

時趙謙之為父報仇上豫章王

孔珪

經開報仇之典以申孝義之情法斷相殺之情以表
權時之制謙之揮刃斬寃既申私禮繫頸就死又明
公法令仍殺之則成當世罪人宥而治之即為盛朝
孝子殺一罪人未足洪憲活一孝子實廣風德張緒
陸澄是其鄉舊應具來由

臨終戒子

孔珪

吾生平所善自當凌雲一笑三千買棺無製新衾左
手執孝經老子右手執小品法華經以吾平生風調

何至使婦人行哭聲不須暫停閨閫

與劉虬

王融

伏以黃葉村居菊籬已老白衣人至竹屋為春自非
獨有一天未必不孤九日受言感戢莫既敷宣

答郡守惠詩

劉澤

某退然氓耳刺史兩轡而臨其鄉百函而通爵里者
武相接也某也獨未以書賀此宜在所督過而洗翰
先之賡之以鏗金戛王之詩寫之以屈鐵蟠銀之字
矮屋迫窄光芒欲飛此平生未見佳奇也敢不再拜

致謝

梁

與昭興王

梁高祖

蕭子雲書筆力勁駿心手相映巧踰柱度美過崔寔
當與元帝並驅爭先

與劉璠

梁元帝

鄧禹文學尚或執戟葛洪書生且云破賊前修無遠
屬望良深

戶牖大全卷二
明山賓下
昭明太子
明祭酒雖出撫大藩擁旄推轂珥金拖紫而恒事屢
空聞構宇未成今有薄助

與何胤

昭明太子

朱明在謝清風戒寒想攝養得宜與時休適耽精義
味玄理息囂塵玩泉石激揚碩學誘接後進志與秋
天競高理與春泉爭溢樂可言乎方今泰堦端平天
下無事修日養夕老得從容每鑽閱六經汎濫百氏
既以自慰且以自傲而才謀有限思力匪長多慚過

月釋卷便忘是以蒙求之懷於是彌軫尋別有信此
無所伸

訪陶弘景

梁朝公卿

嘗竊觀仙書輒嗟興忘倦徒羨其文莫測其理尋七
尺之體既同稟太始俱服五常以何因緣獨超青雲
而獎金石乎先生領袖玄門學究仙苑必有以竭其
川岸請畧聞雅說

辭饋

江革

我通不受餉不容獨當故人篚筐

頃聞足下作類苑括總百家馳騁千載義以類聚事以群分述作之妙揚班儔也擅此博物何快如之吾聞為之者勞觀之者逸足下已營於精力宜令吾見異書

戒子崧

徐勉

吾清明門宅前割西邊施宣武寺既失西廂不復方幅意謂此亦逆旅舍耳何事須華恠時人謂是我宅古往今來豪富繼踵高門甲第連闔洞房宛其死矣

定是誰室憶謝靈運山家詩云中為天地物今成鄙夫有吾此園有之二十載今為天地物物之於我相校幾何哉

又

徐勉

家世清廉故常居貧素至產業之事所未嘗言者中年聊於東田欲穿池種樹少寄情賞又以郊際間曠終可為宅倘獲懸車致事實欲歌笑於斯經營歷年粗已成立桃李茂密桐竹成陰藤栢交通渠畝相屬雖云人外城闕密邇凡為人長殊復不易當使中外

諧緝人無間言先物後已然後可貴汝當勉最見賢
思齊不宜忽畧以棄日也非徒棄日迺是棄身身名
美惡豈不大哉

答劉繪

沈約

郭有道漢末之匹夫非蔡中郎不足以偶三絕謝安
石素族之台輔時無麗藻迄迺有碑無文况文獻王
冠冕彛倫儀刑宇內自非一代辭宗難或與比約問
閭鄙人名不入第歟酬令旨便是以禮許人聽命慚
顏已不覺汗之沾背也

謝賜絹葛

沈約

素采冰華絺文霜潔變溽暑於閨閣起涼風於襟袖
答皇太子

何胤

胤匹好山水情篤魚鳥而從鷗未狎入獸相驚兼牟
齒衰暮荒徑榛梗緘默畎畝栖息丘壑秀水清潭於
茲永已伏惟明察之德誕縱自天忠孝之規不待因
習猶留神六經降意百代闢承華而延儒雅掃黃闥
而列文學胤無解頤之談屢蒙剪飾匪南皮之舊每
荷問存銜茲污朽罔知攸寘

與從兄

王僧孺

仕宦四十左右作尚書郎即抽簪高邁今三十六作
朝奉請頭顱可知不如早去

與曇鸞

陶弘景

去年耳聞音聲茲辰服受文字將由頂禮歲積故使
真應來正爾整拂藤蒲具陳花水端襟歛思玆聆警
錫也

答謝中

陶弘景

山川之美古來共談高峰入雲清流見底兩岸石壁

五色交輝青林翠竹四時俱備曉霧將歇猿鳥亂鳴
夕日欲頽沉鱗競躍寔是欲界之仙都自有康樂以
來未有能與其奇者

與虞仲

陶弘景

夫子雖迹纏朱閣而心期岱嶺豈但散髮高袖飛霜
絕谷良為欽哉野人幸得托形崇阜息影長林每對
月流嘆臨風軫慨徒事累可豁而髮容難待自非齊
死生于一致者孰不心熱乎舉世悠悠孰云同此倘
遇知己相舉共憂

與沈約

任昉

范僕射遂不救疾永念平生忽焉疇昔追尋笑緒皆成悲端

與顧章

吳均

僕去月謝病還覓薜蘿梅溪之西有石門山者森壁爭霞孤峰限日幽岫含雲深溪蓄翠蟬鳴鶴唳水响猿啼英英相雜綿綿成韻既素重幽居遂葺宇其上幸富苑菊徧饒竹實山谷所資於斯已辦仁智所樂豈徒語哉

合趙英才

曹景宗

子架學區中飛才甸外偃蹇園巷從容郊邑昔所謂傲賓者此其是乎岩下鄙人守一介之志非敢茂業嗤俗自致雲霞盖任性靈而真性保無用以得間壠薪井汲樂有餘歡切松焚木此外何務然以天地棟宇萬物同於一化死生善惡未之能聞

為衡山侯與婦

何遜

帳前微笑涉想猶存幄裡餘香從風且歇掩屏為疾引領成勞鏡想分鸞琴悲別鶴心如膏火獨夜自煎

思等流波終朝不息

上皇太子

劉之遴

某嘗聞夷叔柳惠不逢仲尼之言則山西餓夫東國
黜士名豈施于後世信哉生有七尺之形終為一棺
之土不朽之事寄之題目竊痛友人沛國劉顯韞積
藝文研精覃奧聰明特達出類拔羣闔棺郢都歸魂
有日須鑄墓板之遴已畧撰其事行今輒上呈伏惟
鴻慈降茲睿藻榮其枯骨以慰幽魂

謝東宮賚園

劉之遴

性愛山泉頗樂閒曠雖復服膺堯門情存魏闕至于
一立一壑自謂出處無辨嘗願卜居幽僻屏絕喧塵
傍山臨流西郊負郭而王畿陸海畝號一金涇渭土
膏豪傑所競是園左帶平湖清波千頃右臨長薄清
潭百仞前逼通陌朝夕爽塏後望鍾阜表裏煙霞每
賸春迎夏華卉競發背秋向冬雲物澄霽歸瞰戶牖
不異登臨升降堦墀已窮歷覽

陳

與虞荔

君東南有美聲譽洽聞自應翰飛京許共康時弊而刻迹丘園保茲獨善豈使稱空谷之望耶惟遲披觀在於茲日

陳高祖

與江惣

陳文帝

管紀陸瑜奄然殂化悲傷悼惜此情何已吾識覽雖局未嘗以言議假人至於片善小才特用嗟賞况復洪識奇士此故忘言之地論其博綜子史諳究儒墨經耳無遺觸目成誦一褒一貶一激一揚語玄折理

披文摘句未嘗不聞者心伏聽者解頤會意相得自以為布衣之賞豈謂玉折蘭摧遽從短運為悲為恨當復何言遺跡餘文觸目增恠絕絃投筆恒有酸恨

與楊愔

徐陵

晨看旅鴈心起江淮昏望牽牛情馳揚越朝千悲而掩泣夜萬緒而迴腸遂使東平拱樹長懷向漢之悲西路孤墳恒表鄉思之夢

答王褒

周弘正

甚矣悲哉此之為別也雲飛泥沉金鑠蘭滅玉音不

嗣瑤華莫因家兄至自鎬京致來書於穹谷故人之
跡有如對面昔吾壯日及第富年俱值雍熙並懽衡
泌弦琴促坐無乏夕晨玉瀝金華莫獲難老不虞一
旦翻覆波瀾吾已惘陰弟非茂齒永念平生難為胸
臆正當視陰數箭排愁破涕人生樂耳憂戚何為願
愛玉體相保期順猶異蒼鴈頰鯉時傳尺素清風朗
月用寄相思搦管操觚聲淚俱咽

與兄子秀

陳暄

但見汝書與孝典陳吾飲酒過差吾有此好五十餘

年汝以飲酒為非吾以不飲酒為過昔周伯仁渡江
唯三日醒吾不以為少鄭康成一飲三百杯吾不以
為多平生所願身沒之後題吾墓云陳故酒徒陳君
之墓道足矣速營槽丘吾將老焉汝無多言非爾所
及

隋

賜源雄

隋高祖

知執謙搗請歸初服恭膺寶令實賴元功方欲委裘

尺牘大全 附卷二
寄以分陝何容便請高蹈獨為君子乎若以邊境務
煩即宜徙節經郡養德卧治也

賜賀若弼

隋高祖

申國威於萬里宣朝化于一隅使東南之民俱出湯
火數百年寇旬日廓清專是公之功也高名塞于宇
宙盛業光于天壤逖聽前古罕聞其匹班師凱入誠
知非遠相思之甚寸陰若歲

與史祥

隋煬帝

將軍總戎塞表胡虜消塵秣馬休兵猶事較獵足使

李廣慙勇魏尚媿能冠彼二賢獨在吾子昔余濫舉
推轂治兵于時同行軍旅契濶戎旃望龍城而衝冠
眴狼居而發憤將軍英圖不世猛氣無前但物不恆
懷俛仰不遂每一思此我勞如何

與徐則

隋煬帝

先生履德養空宗玄齊物深明義味曉達法門悅性
冲玄怡神虛白餐松餌木栖息煙霞藉甚嘉猷有勞
寤寐欽承雅道久積虛懷側席幽人夢想岩穴昔商
山四皓輕舉漢廷淮南八公來儀潘郎古今雖異山

谷不殊市朝之隱前賢已說樽凡入聖冰先王而誰
故遣使人徃彼延請想無勞束帛賁然來思不待蒲
輪去彼空谷希熊屈已佇望披雲

與崔頤

楊 暉

足下博聞強記鈞深致遠視漢臣之三篋似涉蒙山
對梁相之五車若吞雲夢吾兄欽賢重士敬愛忘疲
先築郭隗之宮常置穆生之醴今者重開土宇更誓
山河地方七百牢籠曲阜城兼七十包舉臨淄大啓
南陽方開東閣想得奉飛蓋曳長裾藉玳筵躡珠履

歌山桂之偃蹇賦池竹之檀欒幸甚幸甚何樂如之
高視上京有懷德祖才謝天人多慚子建書不盡意
寧俟繁辭

答齊王陳

王 貞

屬荷德仁宣教須少來所有拙文孝逸生於戰爭之
季長於風塵之世學無半古才不逮人徃屬休明寸
陰已曷歸來反覆心灰遂寒豈謂橫議過實虛塵睿
覽枉高車以載騏費明珠以彈雀但以積年沉痾遺
忘日久拙思所存纔成三十三卷咫尺天人周章不

暇怖甚真龍之降慚過白豕之歸伏紙陳情形神悚
越

與張衡

房彥謙

執事先生家有周公之履烏廟有山甫之鼎爨其氣
吞諸子而蓋當世也退然素士方且以枯槁為春風
以幽隱作皓月此其氣度未易量也是以有衮衣兮
無使我歸兮未敢誦者邦人之私耳某窮老不學倖
直而無涵養之功徑率而無矯揉之自岩居穴處化
為猿狖正坐鬼擘口耳天所以與我者如此恬然矣

之山南山北掛書牛角而讀某與受其賜

與楊素

王通

通有先人之弊廬足以蔽風雨薄田足以具餐粥讀
書談道足以自樂願明公正已以贊化時和年豐通
也受賜多矣

國

戶部
卷二

三

